



春秋左傳杜注卷第二十二

華亭姚培謙學

昭公

經八年春陳侯之弟招殺陳世子偃師

以首惡從殺例故稱弟又稱世

子招常遙反

○夏四月辛丑陳侯溺卒

襄二十七年大夫盟于宋

○叔弓如

晉○楚人執陳行人干徵師殺之

稱行人明非行人罪

○陳公

子留奔鄭

留為招所立未成君而出奔

○秋蒐于紅

革車千乘不言大者經文闕也紅魯地沛

國蕭縣西有紅亭遠疑

○陳人殺其大夫公子過

與招共殺偃師書名罪之○過平聲

大雩

無傳不早而秋雩過也

○冬十月壬午楚師滅陳

不稱將帥不以告壬午月十八

日 執陳公子招放之于越無傳復稱公子兄已卒 殺陳孔奭無傳招之黨楚

殺 ○葬陳哀公嬖人袁克葬之魯往會故書

傳八年春石言于晉魏榆魏榆晉地名今山西太原府榆次縣西北有榆

次故城通典曰晉魏榆邑也 晉侯問於師曠曰石何故言對曰石不

能言或馮焉謂有精神馮依石而言 不然民聽濫也濫失也或民聽濫失實無言而妄稱有

也抑臣又聞之抑疑 曰作事不時怨讟動於民則有

非言之物而言今宮室崇侈民力彫盡彫傷也 怨讟竝

作莫保其性性命也民不敢自保其性命 石言不亦宜乎於是晉侯

方築虎祁之宮虎祁地名在絳西四十里臨汾水○虎音斯○今在山西平陽府曲沃縣西 叔向曰

子野之言君子哉子野師曠字 君子之言信而有徵故怨

遠於其身怨咎遠其身也 小人之言僭而無徵故怨咎及之

詩曰哀哉不能言匪舌是出唯躬是瘁詩小雅也不能言謂不知言理

以僭言見退者其言非不從舌出以僭而無信自取瘁病故哀之 哿矣能言巧言如流俾躬處

休其是之謂乎哿嘉也巧言如流謂非正言而順敘以聽言見答者言其可嘉以信而有徵自取安逸師曠此言緣問流

轉終歸于諫故以比巧言如流也當叔向時詩義如此故與今說詩者小異○哿古可反 是宮也成諸侯必叛

君必有咎夫子知之矣為十年晉侯彪卒傳

○陳哀公元妃鄭姬生悼太子偃師元妃嫡夫人也 二妃生

公子留下妃生公子勝二妃嬖留有寵屬諸司徒

招與公子過招及過皆哀公弟也哀公有廢疾三月甲申公子

招公子過殺悼天子偃師而立公子留夏四月辛

亥哀公縊憂志自殺經書辛丑從赴○志一睡反干徵師赴于楚干徵師陳大夫且告

有立君公子勝愬之于楚以招過殺偃師告愬也楚人執而殺之

殺于徵師公子留奔鄭書曰陳侯之弟招殺陳世子偃師

罪在招也楚人執陳行人干徵師殺之罪不在行

人也疑為招赴楚當同罪故重發之

○叔弓如晉賀虎祁也賀宮成游吉相鄭伯以如晉亦

賀虎祁也史趙見子大叔曰甚哉其相蒙也蒙欺也可

弔也而又賀之子大叔曰若何弔也其非唯我賀

將天下實賀言諸侯畏晉非獨鄭

○秋大蒐于紅自根牟至于商衛革車千乘大蒐數軍實簡車馬也根牟魯東界琅琊陽都縣有牟鄉商宋地魯西竟接宋衛也言千乘明大蒐且見魯眾之大數也

○七月甲戌齊子尾卒子旗欲治其室子旗纘施也欲并治子尾之家

政丁丑殺梁嬰梁嬰子尾家宰八月庚戌逐子成子工子車

三子齊大夫子尾之屬子成頃公子固也子工成之弟鑄也子車頃公之孫捷也皆來奔不書非卿而立子良氏

之宰子良子尾之子高彊也子旗為子良立宰其臣曰孺子長矣孺子謂子良而相吾

室欲兼我也兼并也授甲將攻之陳桓子善於子尾亦

也兼并也授甲將攻之陳桓子善於子尾亦

授甲將助之。或告子旗。子旗不信。則數人告。將往。又數人告於道。遂如陳氏。○將往子良之家。又數人告。不使敢向子良之家。遂如陳氏。桓

子將出矣。聞之而還。聞子旗至。游服而逆之。去戎備著常游戲之服。請命

對曰。聞彊氏授甲將攻子。子聞諸。曰。弗聞。子

盍亦授甲。無字請從。無字。桓子名。子旗曰。子胡然。彼孺子

也。吾誨之。猶懼其不濟。吾又寵秩之。謂為之立宰。其若先

人何。子盍謂之。謂之使無攻我。周書曰。惠不惠。茂不茂。周書。康誥也。言

康叔所以服弘大也。服行也。桓子稽顙曰。

頃靈福子。頃公。靈公。欒氏所事之君。○稽。音啓。頃。音傾。吾猶有望。望。子旗惠及己。遂和之。

如初。和欒高。二家。

○陳公子招歸罪於公子過而殺之。言招所以不死而得放。

○九月。楚公子弃疾帥師。奉孫吳圍陳。孫吳。悼犬子。偃師之子。惠公。

宋戴惡會之。戴惡。宋大夫。冬十一月壬午。滅陳。壬午。十月十八日。傳言十一月。誤。

與嬖袁克殺馬毀玉以葬。輿眾也。袁克。嬖人之貴者。欲以非禮厚葬哀公。○服氏。虔曰。馬。陳侯所乘。

楚人將殺之。請寘之。置馬。既又請私。私。盡君臣恩。

私於幄。加絰於顙而逃。幄。帳也。逃。不欲為楚臣。使穿封戌為陳公

曰。城麋之役。不諂。城麋。役在襄二十六年。戊與靈王爭皇。頡。侍飲

酒於王。王曰。城麋之役。女知寡人之及此。女其辟

寡人乎及此謂為王對曰若知君之及此臣必致死禮以

息楚息寧靜也晉侯問於史趙曰陳其遂亡乎對曰未也

公曰何故對曰陳顓頊之族也陳祖舜舜出顓頊歲在鶉火

是以卒滅陳將如之顓頊氏以歲在鶉火而滅火盛而水滅。孔疏歲星天之貴神所在必昌鶉火得歲而火

益盛火盛而水滅顓頊水德故以此今在析木之津猶將復由

箕斗之間有天漢故謂之析木之津由用也。言將復用是而更興且陳氏得政于齊而後陳卒

亡物莫能兩盛自幕至于瞽瞍無違命幕舜之先瞽瞍舜父從幕至瞽瞍間無違天命廢絕者。

明德實德於遂遂舜後蓋殷之興存舜之後而封遂言舜德乃至於遂遂世守之及胡

公不淫故周賜之姓使祀虞帝胡公滿遂之後也事周成王賜姓曰媯封諸陳紹舜後

臣聞盛德必百世祀虞之世數未也繼守將在齊

其兆既存矣言陳氏興盛於齊形兆已見

經九年春叔弓會楚子于陳以事往非行會禮許遷于夷

許畏鄭欲遷故以自遷為文○夏四月陳災天火曰災陳既已滅降為楚縣而書陳災者猶晉之梁山沙鹿崩不書晉

○秋仲孫矍如齊矍俱縛反。仲孫錫子○冬築郎囿

傳九年春叔弓宋華亥鄭游吉衛趙厲會楚子于

陳楚子在陳故四國大夫往非盟主所召不行會禮故不總書。厲於滅反

昭公

德榮

五

德榮

五

五

五

○二月庚申楚公子弃疾遷許于夷實城父此時改城父為

夷故傳實之城父縣屬譙郡。今江南鳳陽府亳州東南七十里。有城父故城。取州來淮北之田以益

之益許田伍舉授許男田。然丹遷城父人於陳。以夷濮

西田益之。以夷田在濮水西者與城父人。水經注夏肥水上承沙水東南運城父縣故城春秋所謂夷田在濮水西者也。蓋濮水亦稱

沙。遷方城外於許。成十五年許遷於葉因謂之許。今許遷於夷故以方城外入實其處傳言靈王使民

安不

○周甘人與晉閻嘉爭閻田。甘人甘大夫襄也。閻嘉晉閻縣大夫。○閻以廉反蓋與甘相近

地。晉梁丙張趯率陰戎伐潁。陰戎陸渾之戎潁周邑。○陸渾故城在今河南河南府嵩縣北

二十里王使詹桓伯辭於晉。辭責讓之桓伯周大夫曰我自夏以后稷

魏駘芮岐畢吾西土也。在夏世以后稷功受此五國為西土之長駘在始平武功縣所治釐城岐在扶

風美陽縣西北。○駘他來反依字應作郃釐他來反。今武功縣屬陝西西安府乾州古釐城在縣南八里。及武王克商

蒲姑商奄吾東土也。樂安博昌縣北有蒲姑城。○奄於檢反。○史記作薄姑。今山東青州府博興縣東南十五

里有薄姑故城服氏虔曰蒲姑齊也商奄魯也。巴濮楚鄧吾南土也。肅慎燕亳吾

北土也。肅慎北夷在立菟北三千餘里。○韋氏昭曰肅慎去扶餘千里孔疏立菟在遼東北金為上京會寧府今屬盛京史秦本紀寧公與

亳戰亳王奔我皇甫氏謚曰西戎之國也。吾何邇封之有邇近也。○言我之封疆何近之有。文武成

康之建母弟以蕃屏周亦其廢隊是為為後世廢隊兄弟之國當救濟

之。○屏必并反為去聲。豈如弁髦而因以敝之。童子垂髦始冠必三加冠成禮而弁其始冠故言弁髦因

以敝之弁亦冠也。○髦音毛孔疏弁謂縹布冠髦謂童子垂髦凡加冠之禮先用縹布之冠斂括垂髦三加之後去縹布之冠不復更用故云因以敝之

今王自比豈得將王室如緇布冠加髦之後不須復用因以先王居檇杌

于四裔以禦螭魅言檇杌畧舉四凶之一下言四裔則三苗在其中○裔以制反故允姓之

姦居于瓜州允姓陰戎之祖與三苗俱放三危者瓜州今敦煌伯父惠公歸自秦而

誘以來僖十五年晉惠公自秦歸二十二年秦晉遷陸渾之戎於伊川使偪我諸姬入我郊

甸則戎焉取之邑外為郊郊外為甸言戎取周郊甸之地○若不由晉則戎何得取周之地也戎有中

國誰之咎也咎在晉后稷封殖天下今戎制之不亦難

乎后稷脩封疆殖五穀今戎得之唯以畜牧伯父圖之我在伯父猶衣服之有

冠冕木水之有本原民人之有謀主也民人謀主宗族之師長伯

父若裂冠毀冕拔本塞原專奔謀主雖戎狄其何

有余一人伯父猶然則雖戎狄無所可責晉率陰戎伐周邑故云然叔向謂宣子曰文之

伯也豈能改物言文公雖霸未能改正朔易服色○伯音霸翼戴天子而加之

以共翼佐也自文以來世有衰德而暴滅宗周宗周天子以宣

示其侈諸侯之貳不亦宜乎且王辭直子其圖之

宣子說王有姻喪外親之喪使趙成如周弔且致閭田與

繆繆送死衣反潁俘王亦使賓滑執甘大夫襄以說於晉

晉人禮而歸之賓滑周大夫

○夏四月陳災鄭裨竈曰五年陳將復封封五十

二年而遂亡子產問其故對曰陳水屬也陳顓頊之後故為水屬

火水妃也

火畏水故為之妃

而楚所相也

相治也楚之先祝融為高辛氏火正主治火事

今

火出而火陳

火心星也火出於周為五月而以四月出者以長歷推前年誤置閏

逐楚而建陳也

水得妃而興陳興則楚衰故曰逐楚而建陳

妃以五成故曰五

年

妃合也五行各相妃合得五而成故五歲而陳復封為十三年陳侯吳歸于陳傳○妃音配○邵氏寶曰天一生水至地六乃成越五數矣故曰

歲五及鶉火而後陳卒亡楚克有之天之道也

故曰五十二年

是歲歲在星紀五歲及大梁而陳復封自大梁四歲而及鶉火後四周四十八歲凡五及鶉火五十二年

天數以五為紀故五及鶉火火盛水衰

○晉荀盈如齊逆女

自為逆

還六月卒于戲陽

魏郡內黃縣北有戲陽城

戲平聲

殯于絳未葬晉侯飲酒樂膳宰屠蒯趨入請佐

公使尊

公之使人執尊酌酒請為之佐

許之

公許之

而遂酌以飲工

工樂師師曠也○飲去聲

同曰女為君耳將司聰也

樂所以聰耳

辰在子卯謂之疾

日

疾惡也紂以甲子喪桀以乙卯亡故國君以為忌日

君徹宴樂學人舍業

言不習樂

為疾

故也君之卿佐是謂股肱股肱或虧何痛如之

言痛疾過

女弗聞而樂是不聰也

不聞是義而作樂

又飲外嬖嬖叔

於忌外都大夫之嬖者

曰女為君目將司明也

職在外故主視

服以旌禮也

禮以行事

事政令

事有其物

物類也

物有其容

容貌也○孔疏禮有吉凶之異作衣服以

表之是服以旌禮也六冕以祭祀皮弁以視朝韋弁以即戎冠弁以田獵如此之類是禮以行事也哀有哭泣樂有歌舞如此之類是事有其物言行事各有其物類也衰麻則有哀色端冕則有敬色介冑則有不可犯之色如此之類是物有其容也今君之容非其物

也有卿佐之喪而作樂而女不見是不明也亦自飲也曰

味以行氣氣以實志氣和則志充志以定言在心為志發口為言言以

出令臣實司味二御失官而君弗命臣之罪也工與嬖叔

侍御君者失官不聰明言二侍御者並失其官而君不出命令以罪之必是調和食味失宜故君無志氣以定言出令罪在我也公說徹

酒初公欲廢知氏而立其外嬖為是悛而止秋八

月使荀躒佐下軍以說焉躒荀盈之子知文子也佐下軍代父也說自解說躒力狄反

○孟僖子如齊殷聘禮也自叔老聘齊至今二十年禮意久曠今脩盛聘以無忘舊好故曰禮

○冬築郎囿書時也季平子欲其速成也叔孫昭

子曰詩曰經始勿亟庶民子來詩大雅言文王始經營靈臺非急疾之眾民自以子義來

勸樂為之焉用速成其以勦民也勦勞也勦初交反無囿猶可無民其可乎

經十年春王正月○夏齊藥施來奔嗜酒好內以取敗亡故書名○

秋七月季孫意如叔弓仲孫釁帥師伐莒三大夫皆卿故書之季孫

為主二子從之○戊子晉侯彪卒五同盟○九月叔孫婁如晉葬

晉平公三月而葬速○十有二月甲子宋公成卒十一同盟也無冬史闕文

傳十年春王正月有星出于婺女客星也不書非李○婺武付反鄭裨

竈言於子產曰七月戊子晉君將死今茲歲在顛

頊之虛歲歲星也顛頊之虛謂玄枵虛起魚反○孔疏釋天云玄枵虛也顛頊之虛虛也郭璞曰虛在正北顛頊水德位在北方當以北

方三次以玄枵為中玄枵次有三宿又虛在其中以水在北顛頊居之故謂玄枵虛星為顛頊之虛也

姜氏任氏實守其地姜齊姓任薛姓齊薛二國守玄枵之地居其維首而有妖星焉告邑姜

也客星居玄枵之維首邑姜齊大公女晉唐叔之母星占娶女為既嫁之女織女為處女邑姜齊之既嫁女妖星在娶女齊得歲故知禍歸邑姜

星居之也其玄枵維首而有妖異之星以將死之妖告邑姜也邑姜齊女告

子孫當死邑姜言其邑姜晉之妣也天以七紀二十八宿戊子逢公

以登星斯於是乎出逢公殷諸侯居齊地者逢公將死妖星出娶女時非歲星所在故齊自當禍而以戊子曰

卒吾是以譏之為晉侯彪卒信內多怨說婦人言故多怨

○齊惠樂高氏皆者酒樂高二族皆出惠公信內多怨

彊於陳鮑氏而惡之惡陳鮑夏有告陳桓子曰子旗子

良將攻陳鮑亦告鮑氏桓子授甲而如鮑氏遭子

良醉而騁欲及子良醉故遂見文子文子鮑國則亦授甲矣使

視二子二子子旗子良則皆將飲酒桓子曰彼雖不信彼傳言者聞

我授甲則必逐我及其飲酒也先伐諸陳鮑方睦

遂伐樂高氏子良曰先得公陳鮑焉往欲以公自輔助遂伐

虎門欲入公不聽故伐公門晏平仲端委立于虎門之外

端委朝服四族召之無所往四族樂高陳鮑其徒曰助陳鮑乎曰何

善焉言無善義可助助樂高乎曰庸愈乎罪惡不差於陳鮑○差初賣反然則歸

乎曰君伐焉歸公召之而後入公卜使王黑以靈

姑鉞率吉請斷三尺馬而用之

王黑齊大夫靈姑鉞公旗名斷三尺不敢與君同。鉞音

不。斷丁管反。謂斷其旂也。

五月庚辰戰于稷

稷祀后稷之處。稷地名。六國時齊有稷下館在今山東青州

府臨淄縣古臨淄城西

藥高敗又敗諸莊

莊六軌之道國人追之又敗諸

鹿門

鹿門齊城門藥施高彊來奔

高彊不書非卿陳鮑分其室晏子

謂桓子必致諸公讓德之主也讓之謂懿德凡有

血氣皆有爭心故利不可強不可強取思義為愈義利之

本也。溘利生孽

溘畜也孽妖害也。溘紆粉反

姑使無溘乎可以滋長

桓子盡致諸公而請老于莒

莒齊邑

桓子名子山

子山子商子周

襄三十一年子尾所逐羣公子

私具幄幕器用從者之衣履

私具不告公

而反

棘焉

棘子山故邑齊國西安縣東有戟里亭。後漢志作棘里今臨淄縣西北有棘里亭

子商亦如之而反

其邑子周亦如之而與之夫子

子周本無邑故更與之濟南於陵縣西北有于亭。今於

陵城在長山縣南二十里屬山東濟南府

反子城子公公孫捷

三子八年子旗所逐

而皆益

其祿凡公子公孫之無祿者私分之邑

桓子以己邑分之

國

之貧約孤寡者私與之粟曰詩云陳錫載周能施

也

詩大雅言文王能布陳大利以賜天下行之周徧。施去聲

桓公是以霸

齊桓公亦能施以致霸

公與

桓子莒之旁邑辭

讓不受

穆孟姬為之請高唐陳氏始

大

穆孟姬景公母傳言陳氏所以興

○秋七月平子伐莒取鄭

鄭莒邑取鄭不書公見討於平邱魯諱之。鄭音梗。當在今山東青州

府沂水 縣界 獻俘始用人於亳社 以人祭 殷社 臧武仲在齊聞之

曰周公其不饗魯祭乎 周公饗義魯無義詩曰德

音孔昭視民不佻 詩小雅佻偷也言明德君子必愛民○視詩作示 佻之謂甚矣而

壹用之將誰福哉 壹同也同人於畜牲

○戊子晉平公卒 如禘竈之言 鄭伯如晉及河晉人辭之

游吉遂如晉 禮諸侯不相弔故辭 九月叔孫婁齊國弱宋華定

衛北宮喜鄭罕虎許人曹人莒人邾人滕人薛人

杞人小邾人如晉葬平公也 經不書諸侯大夫者非盟會 鄭子皮將

以幣行 見新君之贊 子產曰喪馬用幣用幣必百兩 載幣用車百乘

百兩必千人千人至將不行 行用也 不行必盡用之 不得見新

君將自費用盡 幾千人而國不亡 言千人之費不可數○幾音紀數所角反 子皮固請以

行既葬諸侯之大夫欲因見新君叔孫昭子曰非

禮也弗聽叔向辭之曰大夫之事畢矣 送葬禮畢 而又命

孤孤斬焉在衰經之中 既葬未卒哭故猶服斬衰 其以嘉服見則喪

禮未畢其以喪服見是重受弔也大夫將若之何

皆無辭以見子皮盡用其幣歸謂子羽曰非知之

實難將在行之 言不患不知患不能行 夫子知之矣我則不足 言已由子

產之戒既知其不可而遂行之是我之不足 書曰欲敗度縱敗禮 逸書○商書太甲篇 我之

謂矣夫子知度與禮矣我實縱欲而不能自克也

欲因喪以慶新君故昭子至自晉大夫皆見高彊見而退

高彊昭子語諸大夫曰為人子不可不慎也哉昔慶

封亡子尾多受邑而稍致諸君君以為忠而甚寵

之將死疾于公宮在公宮被疾輦而歸君親推之

他回其子不能任是以在此忠為令德其子弗能任

罪猶及之難不慎也言不可不慎喪夫人之力弃德曠宗

以及其身不亦害乎夫人謂子尾曠空也使其宗廟曠而不祀詩曰不自我

先不自我後其是之謂乎詩小雅言禍亂不在他正當己身以喻高彊身自取此禍

○冬十二月宋平公卒初元公惡寺人柳欲殺之

元公平公及喪柳熾炭于位以温地將至則去之使公坐其處比

葬又有寵言元公好惡無常

經十有一年春王二月叔弓如宋葬宋平公○夏

四月丁巳楚子虔誘蔡侯般殺之于申蔡侯雖弑父而立楚子誘而殺

之刑其羣士蔡大夫深怨故以楚子名告般音班高氏閔曰蔡般弑逆之罪雖義當討而楚子亦弑逆之賊也以賊討賊何辨曲直况楚子非真治

般志在滅蔡也故春秋書楚子虔蔡侯般同斥其名以見其罪同楚公子弃疾帥師圍蔡○五

月甲申夫人歸氏薨昭公母胡○大蒐于比蒲音毗

仲孫矍會邾子盟于祲祥祲祥地闕○祲子鳩反○當在今山東兗州府滋陽縣境○秋

季孫意如會晉韓起齊國弱宋華亥衛北宮佗鄭

罕虎曹人杞人于厥慙厥慙地闕。佗徒何反。慙魚靳反。○九月己亥

葬我小君齊歸齊諡○冬十有一月丁酉楚師滅蔡

執蔡世子有以歸用之用之殺以祭山

傳十一年春王二月叔弓如宋葬平公也嫌以聘事行故傳具之

○景王問於萇弘曰今茲諸侯何實吉何實凶萇弘周大

夫○萇直良反對曰蔡凶此蔡侯般弑其君之歲也歲在豕

韋襄三十年蔡世子般弑其君歲在豕韋至今十三歲歲復在豕韋般即靈侯也弗過此矣言蔡凶不過此年楚

將有之然壅也蔡近楚故知楚將有之楚無德而享大利所以壅積其惡。顧氏炎武曰壅如以土壅水積之多而後決

之驟也歲及大梁蔡復楚凶天之道也楚靈王弑立之歲歲在大梁到昭十三年歲復

在大梁美惡周必復故知楚凶楚子在申召蔡靈侯靈侯將往蔡大夫

曰王貪而無信唯蔡於感蔡近楚之大國故楚常恨其不服順。感戶暗反今幣重

而言甘誘我也不如無往蔡侯不可三月丙申楚

子伏甲而饗蔡侯於申醉而執之夏四月丁巳殺

之刑其士七十人公于弃疾帥師圍蔡傳言楚子無道韓宣

子問於叔向曰楚其克乎對曰克哉蔡侯獲罪於

其君謂弑父而立而不能其民不能施德天將假手於楚以斃之

借楚手以討蔡何故不克然胥聞之不信以幸不可再也楚

王奉孫吳以討於陳曰將定而國陳人聽命而遂
縣之事在八年今又誘蔡而殺其君以圍其國雖幸而克

必受其咎弗能久矣桀克有緡以喪其國紂克東
夷而隕其身紂為黎之蒐東夷叛之桀為仍之會
有緡叛之故伐而克之楚小位下而亟

暴於二王亟欺冀反數也數行暴虐甚於桀紂二王能無咎乎天之假助不

善非祚之也厚其凶惡而降之罰也且譬之如天
其有五材而將用之力盡而敝之是以無拯不可

沒振金木水火土五者為物用久則必有敝盡則弃捐故言無拯拯猶
救助也不可沒振猶沒不可復振言天之用楚亦如此也拯丞上
聲出溺為拯不可沒振申無拯之意

○五月齊歸薨大蒐于此蒲非禮也

○孟僖子會邾莊公盟于祲祥脩好禮也蒐非存亡之
由故臨喪不

宜為之盟會以安社稷故喪盟謂之禮泉邱人有女夢以其帷幕孟氏之廟

泉邱魯邑○當在今兗州府寧陽泗水間幕音莫遂奔僖子其僚從之鄰女為僚友者
隨而奔僖子

盟于清邱之社曰有子無相弃也二女自
共盟僖子使助

遠氏之箴遠副倅也遠氏之女為僖子副妻別居在外故僖子納泉邱
人女令副助之○遠為彼反遠初又反○倅七對反禮有副車

倅車皆謂副貳之車也箴亦副倅之意妻為正適妾為副貳反自祲祥宿于遠氏生懿子

及南宮敬叔於泉邱人其僚無子使字敬叔字養也
似雙生

○楚師在蔡向四月晉荀吳謂韓宣子曰不能救陳

又不能救蔡。物以無親。物事也。言事事如此。故無人肯親我晉國。晉之不能

亦可知也。已為盟主而不恤亡國。將焉用之。秋會

于厥慙。謀救蔡也。不書救蔡。不果救。鄭子皮將行。子產曰。行

不遠。不能救蔡也。蔡小而順。楚大而不德。天將

弃蔡以壅楚。盈而罰之。惡。盈楚。蔡必亡矣。且喪君而能

守者鮮矣。三年。王其有咎乎。美惡周必復。王惡周

矣。元年。楚子弒君而立。歲在大梁。後二年。十三歲。歲星周復於大梁。晉人使狐父請蔡于楚。

弗許。狐父。晉大夫。

○單子會韓宣子于戚。單子。單成公。視下言徐。其言太徐。奄奄然。叔

向曰。單子其將死乎。朝有著定。著定。朝內列位常處。謂之表著。謂佇立定處。會

有表。野會設表。以為位。衣有禴。帶有結。檜領會。結帶結也。檜。古外反。會朝之言。

必聞于表。著之位。所以昭事序也。視不過結。禴之

中。所以道容貌也。道音。導下同。言以命之。容貌以明之。失

則有關。今單子為王官伯。而命事於會。視不登帶。

言不過步。貌不道容。而言不昭矣。不道不共。不昭

不從。貌正曰共。言順曰從。洪範五事。貌曰恭。言曰從。謂容貌當恭恪。言是則可從也。無守氣矣。為此年冬。單子卒。起本。

言無守身之氣。將必死。

○九月。葬齊歸公。不感。晉士之送葬者。歸以語史

趙史趙曰必為魯郊言昭公必出在郊野不能有國侍者曰何故曰歸

姓也不思親祖不歸也姓生也言不思親則不為祖考所歸佑叔向曰魯公

室其卑乎君有大喪國不廢蒐謂蒐北蒲有三年之喪而

無一日之感國不恤喪不忌君也忌畏也君無感容不

顧親也國不忌君君不顧親能無卑乎殆其失國

為二十五年公孫於齊傳

○冬十一月楚子滅蔡用隱犬子于岡山蔡靈公之犬子蔡侯廬之

父申無宇曰不祥五牲不相為用况用諸侯乎五牲牛羊豕犬雞

王必悔之悔為暴虐

○十二月單成公卒終叔向之言

○楚子城陳蔡不羹襄城縣東南有不羹城定陵西北有不羹亭○羹音郎○不羹有二襄城縣東南者西不羹也屬河南開封府舞陽縣北者東不羹即定陵之不羹亭也屬河南南陽府使弃疾為蔡公王問於

申無宇曰弃疾在蔡何如對曰擇子莫如父擇臣

莫如君鄭莊公城櫟而寘子元焉使昭公不立子元鄭公

子莊公寘子元於櫟桓十五年厲公因之以殺子元鄭公齊桓公城穀而寘

管仲焉至于今賴之城穀在莊三十二年臣聞五大不在邊五

細不在庭上古金木水火土謂之五官立鳥氏丹鳥氏亦有五又以五鳩鳩民五雉為五工正蓋立官之本也末世隨事施職是以

官無常數今無宇稱習古言故云五大也言五官之長專盛過節則不可居邊細弱不勝任亦不可居朝廷親不在外羈

聖傳

不在內。今弃疾在外。鄭丹在內。襄十九年。丹奔楚。君其少戒。

王曰：國有大城，何如？對曰：鄭京櫟實殺曼伯。曼伯，檀伯也。厲公得櫟，又并京。

宋蕭毫實殺子游。在莊十年。齊渠邱實殺無知。在莊九年。

渠邱，今齊國西安縣也。齊大夫雍廩邑。衛蒲戚實出獻公。蒲，寧殖邑。戚，孫林父邑。出獻公，在襄十四年。若

由是觀之，則害於國，末大必折。折其本。尾大不掉，君所

知也。為十三年陳蔡作亂傳。掉，徒弔反。

經十有二年春，齊高偃帥師，納北燕伯于陽。三年，燕伯出奔。

齊高偃，高偃立孫。齊大夫陽，即唐燕別邑。中山有唐縣，不言于燕，未得國都。今直隸保定府唐縣東有漢唐縣故城，春秋時曰陽也。○三

月壬申，鄭伯嘉卒。五同。○夏，宋公使華定來聘。定，華椒孫。○

公如晉，至河乃復。晉人以莒故辭公。○五月，葬鄭簡公。三月而葬，速。

○楚殺其大夫成熊。傳在葬簡公上，經從赴。○秋七月。○冬十月。

公子愁出奔齊。書名，謀亂故也。○愁，魚覲反。○劉氏敞曰：愁豈謀亂者哉？苟使愁無罪而奔，遂書其字乎。○楚

子伐徐。不書圍，以乾谿師告。○晉伐鮮虞。不書將帥，史闕文。

傳十二年春，齊高偃納北燕伯款于唐，因其眾也。

言因唐眾欲納之，故得先入唐。

○三月，鄭簡公卒，將為葬除。除葬道，為去聲。及游氏之廟

將毀焉。子大叔使其除，徒執用以立，而無庸

毀。用毀廟具。曰：子產過女，而問何故不毀，乃曰：不忍廟也。

諾將毀矣教毀廟者之辭既如是子產乃使辟之司墓之室

有當道者簡公別營葬地不在鄭先公舊墓故道有臨時迂直也司墓之室鄭之掌公墓大夫徒屬之家毀之則

朝而崩崩下棺。崩比鄧反。禮家作窆彼驗反。弗毀則日中而崩子大叔請

毀之曰無若諸侯之賓何不欲久留賓子產曰諸侯之賓

能來會吾喪豈憚日中無損於賓而民不害何故

不為遂弗毀日中而葬君子謂子產於是乎知禮

禮無毀人以自成也

○夏宋華定來聘通嗣君也宋元公新即位公享之為賦蓼

蕭弗知又不答賦蓼蕭詩小雅義取燕笑語方是以有譽處方樂與華定燕語也又曰既見君子為龍為光欲以

寵光賓也又曰宜兄宜弟令德壽凱言賓有令德可以壽樂也又曰和鸞雍雍萬福攸同言欲與賓同福祿也

宴語之不懷懷思也寵光之不宣宣揚也令德之不知同福

之不受將何以在為二十年華定出奔傳。孔疏詩云燕笑語兮言定當思此笑語與主相對也詩云為龍為光

定當應此寵光宣揚之也詩云令德壽凱定當知已有德與否須辭謝之也詩云萬福攸同定當受同福荷君恩也各準事而為之文

○齊侯衛侯鄭伯如晉朝嗣君也晉昭公新立公如晉亦欲朝嗣

君至河乃復取鄭之役在十年莒人愬于晉晉有平公

之喪未之治也故辭公公子愁遂如晉愁魯大夫如晉不書還不復命

而奔故史不書於策晉侯享諸侯子產相鄭伯辭於享請免喪

而後聽命簡公未葬晉人許之禮也善晉不奪孝子之情晉侯以齊侯

宴中行穆子相穆子投壺晉侯先穆子曰有酒如淮

有肉如坻淮水名坻山名寡君中此為諸侯師中之齊

侯舉矢曰有酒如澠有肉如陵澠水出齊國臨淄縣北入時水陵大阜也○中去聲下同

伯寡人中此與君代興代更亦中之伯瑕謂穆子伯瑕士文

曰子失辭吾固師諸侯矣壺何為焉其以中雋

也言投壺中不足為雋異齊君弱吾君歸弗來矣欲與晉君代興是弱之穆子曰

吾軍帥彊禦卒乘競勸今猶古也齊將何事言晉德不衰於

古齊不事晉將無所事○言齊何能為公孫僂趨進曰日旰君勤可以出矣

以齊侯出僂齊大夫傳言晉之衰○僂素口反旰古旦反

○楚子謂成虎若敖之餘也遂殺之成虎令尹子玉之孫與鬬氏同出於若敖

宣四年鬬椒作亂今楚子信譖而託討若敖之餘或譖成虎於楚子成虎知之而不

能行書曰楚殺其大夫成虎懷寵也解經所以書名

○六月葬鄭簡公傳終子產辭享明既葬則為免喪經書五月誤

○晉荀吳偽會齊師者假道於鮮虞遂入昔陽鮮虞

別種在中山新市縣昔陽肥國都樂平沾縣東有昔陽城○今直隸真定府新樂縣西南有新市故城俗名新城舖其地有鮮虞亭山西太原府平定州

有昔陽城一說今真定府藁城縣西南昔陽亭是也此鼓之都非肥都秋八月壬午滅肥以肥子

緜臯歸肥白狄也緜臯其君名鉅鹿下曲陽縣西南有肥累城為下晉伐鮮虞起○今肥累城在藁城縣西南七里

○周原伯絞虐其輿臣使曹逃原伯絞周大夫原公也輿眾也曹羣也冬十

月壬申朔原輿人逐絞而立公子跪尋跪尋絞弟絞奔郊

地郊周

○甘簡公無子立其弟過甘簡公周卿士。過平聲下之子過同。過將去成

景之族成公景公皆過之先君成景之族賂劉獻公欲使殺過劉獻公亦周卿士劉定公子

丙申殺甘悼公悼公即過而立成公之孫鮪鮪平公。鮪音秋。丁酉

殺獻犬子之傅庾皮之子過過劉獻公犬子之傅殺瑕辛于市

及宮嬖綽王孫沒劉州鳩陰忌老陽子六子周大夫及庾過皆甘悼公

之黨傳言周衰原甘二族所以遂微○季平子立而不禮於南蒯蒯南遺之子季氏費邑宰。費音祕。南蒯謂

子仲子仲公子慈吾出季氏而歸其室於公室季氏家財子更其

位更代也我以費為公臣子仲許之南蒯語叔仲穆子

且告之故穆子叔仲帶之子叔仲小也。語以欲出季氏以不見禮故。季悼子之卒也叔孫

昭子以再命為卿悼子季武子之子平子父也。傳言叔孫之見命乃在平子為卿之前。孔疏悼子之卒不書于經則

是未為卿也其卒當在武子之前平子以孫繼祖武子卒後即平子立也。及平子伐莒克之更受三

命十年平子伐莒以功加三命昭子不伐莒亦以例加為三命。叔仲子欲構二家欲構使相憎謂

平子曰三命踰父兄非禮也言昭子受三命自踰其先人。平子曰然

故使昭子使昭子自貶黜昭子曰叔孫氏有家禍殺適立庶

故媿也及此禍在四年若因禍以斃之則聞命矣言因亂討已不敢辭

若不廢君命則固有著矣著位次昭子朝而命吏曰姑

將與季氏訟書辭無頗頗偏也。頗普何反。季孫懼而歸罪於

叔仲子故叔仲小南蒯公子愁謀季氏愁告公而

遂從公如晉仲南蒯懼不克以費叛如齊子仲還

及衛聞亂逃介而先介副使也及郊聞費叛遂奔齊言及郊解經所

以書南蒯之將叛也其鄉人或知之過之而歎鄉人過

且言曰恤恤乎湫乎攸乎恤恤憂患湫愁隘攸懸危之貌。湫子小反。詩攸攸旆旆故以攸為懸

之貌言南蒯之心若此深思而淺謀邇身而遠志家臣而君圖家臣而圖

人君之事故言思深而謀淺身近而志遠。思去聲。思慮深而知計淺言其知小而謀大也。身卑近而志高遠言其越分以求通也。為家臣而謀君事言

其非己所當為也 有人矣哉言今有此人。微以感之。南蒯枚筮之不指其事。況卜吉凶。孔疏枚

是筮之名尚書枚卜功臣謂人下一筮使歷卜之。此則不告以所筮之事空下一筮而使之筮也。遇坤坤下坤上坤

之比坤下坎上比坤六五爻變曰黃裳元吉坤六五爻辭以為大吉也

示子服惠伯曰即欲有事何如惠伯曰吾嘗學此

矣忠信之事則可不然必敗外彊內溫忠也坎險故彊坤順

故溫彊而能溫所以為忠。剛彊以禦難柔順以事主。和以率貞信也水和而土安正和正信之本也。率循也。用和柔之

性以循安正道故曰黃裳元吉黃中之色也裳下之飾也元

善之長也中不忠不得其色言非黃下不共不得其飾

不為裳事不善不得其極失中德外內倡和為忠不相違也。和去聲率

事以信為共率循行也。○率訓循。供養三德為善三德謂正直剛克柔克也。

○供九用反養餘亮反。○孔疏剛則抑之柔則進之以志意供給長養之使合於中道各成其德乃為善也。董遇注本為共養解云盡共所以養成三德。

非此三者弗當非忠信善不當此卦。且夫易不可以占險將何

事也。且可飾乎夫易猶此易謂黃裳元吉之卦問其何事欲令從下之飾。○言凡易皆不可以占陰險之事。問南蒯占此

卦將欲舉何事也欲令從下之飾為恭。中美能黃上美為元下美則裳參成

可筮參美盡備吉可如筮。猶有闕也。筮雖吉未也有闕謂不參成。將適費

飲鄉人酒南蒯自其家還適費。鄉人或歌之曰。我有圃生之杞

乎言南蒯在費欲為亂如杞生于園圃非宜也。杞世所謂枸杞也。○圃所以殖菜蔬杞非可食之物也。從我者子乎

子男子之通稱言從己可不失今之尊。去我者鄙乎。倍其鄰者恥乎鄰猶親也。鄙鄙賤之行。

也。已乎已乎。非吾黨之士乎已乎已乎言自遂不改。○服氏虔曰已乎決絕之詞。平子

欲使昭子逐叔仲小欲以自解說。小聞之不敢朝。昭子命

吏謂小待政於朝。曰。吾不為怨府言不能為季氏逐小生怨禍之聚為明年叔弓

圍費傳。○楚子狩于州來狩冬獵也。次于潁尾潁水之尾在下蔡西。○潁水入淮處也。下蔡今江南潁州

府潁上縣。使蕩侯潘子司馬督蹇尹午陵尹喜帥師圍徐

以懼吳五子楚大夫徐吳與國故圍之以備吳。楚子次于乾谿在譙國城父縣南。以為

之援雨雪。王皮冠。秦復陶秦所遺羽衣也。○援于眷反。雨去聲。翠被以翠羽飾被。

豹舄以豹皮為履。執鞭以出執鞭以教令。僕析父從楚大夫。○從去聲。右尹

咸懷。

子革夕子革鄭丹夕莫見王見之去冠被舍鞭敬大與之語曰

昔我先王熊繹楚始封君與呂伋齊大公之子丁公王孫牟衛康叔子康伯燮

父晉唐叔之子禽父周公子伯禽竝事康王康王成王子四國皆有分我

獨無有四國齊晉魯衛分珍寶之器分扶問反下同今吾使人於周求鼎以為

分王其與我乎對曰與君王哉昔我先王熊繹辟

在荆山在新城沔鄉縣南篳路藍縷以處草莽跋涉山林以

事天子唯是桃弧棘矢以共禦王事桃弧棘矢以禦不祥言楚在山林少所出

有○共音恭齊王舅也成王母齊太公女晉及魯衛王母弟也楚是

以無分而彼皆有今周與四國服事君王將唯命

是從豈其愛鼎王曰昔我皇祖伯父昆吾舊許是

宅陸終氏生六子長曰昆吾少曰季連季連楚之祖故謂昆吾為伯父昆吾嘗居許地故曰舊許是宅今鄭人貪賴其

田而不我與我若求之其與我乎對曰與君王哉

周不愛鼎鄭敢愛田王曰昔諸侯遠我而畏晉今

我大城陳蔡不羹賦皆千乘子與有勞焉諸侯其

畏我乎對曰畏君王哉是四國者專足畏也四國陳蔡二不

羹○羹音郎又加以楚敢不畏君王哉工尹路請曰君

王命剝圭以為鍼秘鍼斧也秘柄也破圭玉以飾斧柄○鍼音戚秘音秘敢請命請制度之命

王入視之析父謂子革吾子楚國之望也今與王

言如響國其若之何譏其順王心如響應聲子革曰摩厲以須王

出吾刃將斬矣以已喻鋒刃欲自摩厲以斬王之淫慝王出復語左史倚相

趨過倚相楚史名王曰是良史也子善視之是能讀三墳

五典八索九邱皆古書名索所白反對曰臣嘗問焉昔穆王欲

肆其心周穆王肆極也周行天下將皆必有車轍馬跡焉祭

公謀父作祈招之詩以止王心謀父周卿士祈父周司馬世掌甲兵之職招其名祭公方

諫遊行故指司馬官而言此詩逸招常遙反王是以獲沒於祗宮獲沒不見篡弒祗音祈竹書紀年穆王

元年作祈官于南鄭臣問其詩而不知也若問遠焉其焉能知

之王曰子能乎對曰能其詩曰祈招之悒悒式昭

德音悒悒安和貌式用也昭明也○悒一心反思我王度式如玉式如金金玉取其堅也

形民之力而無醉飽之心言國之用民當隨其力任如金冶之器隨器而制形故言形民之力去其

醉飽過盈之心○美司馬之志性安和悒悒然女當用此職掌以明我王之德音思使我王之德度用如玉之堅用如金之重若用民力當隨其所能而

制其形模以器使之去其醉飽盈溢之心此借司馬以諷諫王也王揖而入饋不食寢不寐數

日深感子革之言不能自克以及於難克勝也仲尼曰古也有志

克己復禮仁也信善哉楚靈王若能如是豈其辱

於乾谿

○晉伐鮮虞因肥之役也肥役在此年

春秋左傳杜注卷第二十二

二二

昭公

春秋左傳杜注卷第二十三

華亭姚培謙學

昭公

經十有三年春叔弓帥師圍費

不書南蒯以費叛不以告廟

○夏四月

月楚公子比自晉歸于楚弑其君虔于乾谿

比去晉而不送

書歸者依陳蔡以入言陳蔡猶列國也比歸而靈王死故書弑其君靈王無道而弑稱臣比非首謀而反書弑比雖脅立猶以罪加也靈王死在五月又不在乾谿楚人生失靈王故本其始禍以赴之楚公子弃疾殺公子比

比雖為君而未列於諸侯故不稱爵殺不稱人罪弃疾

○秋公會劉子晉侯齊侯宋公衛侯鄭伯

曹伯莒子邾子滕子薛伯杞伯小邾子于平邱

平邱在陳

留長垣縣西南○漢置平邱縣晉廢今八月甲戌同盟于平邱

故城在河南開封府陳留縣北九十里

書同齊公不與盟魯不堪晉求讒惡弘多公不與盟非國惡故不諱晉人執季孫意如

以歸○公至自會無傳○蔡侯廬歸于蔡陳侯吳歸

于陳陳蔡皆受封于楚故稱爵諸侯納之曰歸○胡傳稱歸于者國其所宜歸也稱侯者位其所固有也○冬十月葬

蔡靈公蔡復而後以君禮葬之○公如晉至河乃復晉人辭公○吳滅州

來州來楚邑用大師馬曰滅

傳十三年春叔弓圍費弗克敗焉為費人所敗不書諱之平子怒

令見費人執之以為囚俘治區夫曰非也區夫魯大夫若

見費人寒者衣之饑者食之為之令主而共其乏

困費來如歸南氏亡矣民將叛之誰與居邑若憚

之以威懼之以怒民疾而叛為之聚也若諸侯皆

然費人無歸不親南氏將焉入矣平子從之費人

叛南氏費叛南氏在明年傳善區夫之謀終言其效○為之聚于偽反

○楚子之為令尹也殺大司馬遠掩而取其室在襄

年及即位奪遠居田居掩之族言遠氏所以怨遷許而質許圍遷許在九年圍

許大夫○質音致蔡洧有寵於王王之滅蔡也其父死焉楚滅蔡在

十一年洧仕楚其父在國故死○洧于軌反王使與於守而行使洧守國王行至乾谿申之會

越大夫戮焉申會在四年王奪鬪韋龜中犍韋龜令尹子文玄孫中犍邑名○犍尺州

昭公

反又奪成然邑而使為郊尹成然韋龜子郊尹治郊竟大夫蔓成然故

事蔡公蔡公弃疾也故猶舊也韋龜以弃疾有當璧之命故使成然事之故遠氏之族及遠

居許圍蔡洧蔓成然皆王所不禮也因羣喪職之

族啓越大夫常壽過作亂常壽過申會所戮者○過平聲圍固城克息

舟城而居之息舟楚邑城之堅固者○顧氏炎武以固息舟為二城名觀起之死也其子

從在蔡事朝吳觀起死在襄二十二年朝吳故蔡大夫聲子之子曰今不封蔡蔡不

封矣我請試之觀從以父死怨楚故欲試作亂以蔡公之命召子干子

皙二子皆靈王弟元年子干奔晉子皙奔鄭及郊而告之情告以蔡公不知謀強與之盟

入襲蔡蔡公將食見之而逃不知其故驚起辟之觀從使子干

食坎用牲加書而速行使子干居蔡公之牀食蔡公之食竝偽與蔡公盟之徵驗以示衆已

徇於蔡已觀從也○已音紀曰蔡公召二子將納之與之盟而

遣之矣將師而從之詐言蔡公將以師助二子蔡人聚將執之執觀從辭

曰失賊成軍而殺余何益乃釋之賊謂子干子皙也言蔡公已成軍殺已不解罪

朝吳曰二三子若能死亡則如違之以待所濟言若能為

靈王死亡則可違蔡公之命以待成敗如何若求安定則如與之以濟所欲言與蔡公

則可得安定且違上何適而可言不可違上也上謂蔡公眾曰與之乃奉蔡

公召二子而盟于鄧潁川名陵縣西南有鄧城二子子干子皙依陳蔡人以國

國陳蔡而依之楚公子比子干公子黑肱子皙公子弃疾蔡公蔓成

然蔡朝吳帥陳蔡不羹許葉之師因四族之徒四族遠氏

許圍蔡洧蔓成然以入楚及郊陳蔡欲為名故請為武軍欲築壘

以示後人為復讎之名蔡公知之曰欲速且役病矣請藩而已乃

藩為軍藩離也○依字應作籬今作離假借也蔡公使須務牟與史狎先入

因正僕人殺犬子祿及公子罷敵須務牟史狎楚大夫蔡公之黨也正僕犬子之

近官○狎皮皆反罷音皮公子比為王公子黑肱為令尹次于魚陂

竟陵縣城西北有甘魚陂○今在湖廣安陸府景陵縣西北公子弃疾為司馬先除王宮

使觀從從師于乾谿而遂告之從乾谿之師告使叛靈王且曰先歸

復所後者劓劓截鼻○劓魚器反師及訾梁而潰靈王還至訾梁而眾散○訾子斯反

王聞羣公子之死也自投于車下曰人之愛其子

也亦如余乎侍者曰甚焉小人老而無子知擠于

溝壑矣擠隊也○擠子細反王曰余殺人子多矣能無及此乎

右尹子革曰請待于郊以聽國人聽國人之所與王曰眾怒

不可犯也曰若入於大都而乞師於諸侯王曰皆

叛矣曰若亡於諸侯以聽大國之圖君也王曰大

福不再祇取辱焉然丹乃歸于楚然丹子革奔王歸王公夏

將欲入鄢夏漢別名順流為芋尹無宇之子申亥曰吾

父再奸王命謂斷王旌執人於章華宮○芋于付反奸音干王弗誅惠孰大焉君

不可忍。惠不可弃。吾其從王。乃求王。遇諸棘闈。以

歸。棘里名。闈門也。孔氏夏五月癸亥。王縊于芋。尹申亥

氏。癸亥五月二十六日。皆在乙卯。丙辰後傳終言之。經書四月誤。申亥以其二女殉而葬之。

觀從謂子干曰。不殺弃疾。雖得國。猶受禍也。子干

曰。余不忍也。子玉曰。人將忍子。子玉吾不忍侯也。乃

行。國每夜駭曰。王入矣。相恐以靈王也乙卯夜。弃疾使周走

而呼曰。王至矣。周徧也。乙卯十日。呼去聲國人大驚。使蔓成然走

告子干。子干曰。王至矣。國人殺君司馬。將來矣。司馬

疾也。言司馬見殺以恐子干君若早自圖也。可以無辱。衆怒如水火。

焉。不可為謀。又有呼而走至者。曰。衆至矣。二子皆

自殺。不書弑君。位未定也丙辰。弃疾即位。名曰熊居。葬子干于

訾。實訾敖。不成君。無號謚者。楚皆謂之敖殺囚。衣之王服。而流諸漢。乃

取而葬之。以靖國人。使子旗為令尹。子旗蔓成然楚師

還自徐。前年圍徐之師。謂蕩侯等五子伐徐之師也吳人敗諸豫章。獲其五帥

定二年。楚人伐吳。師于豫章。吳人見舟于豫章。而潛師于巢。以軍楚師於豫

章。又柏舉之役。吳人舍舟于淮。汭而自豫章與楚夾漢。此皆當在江北淮水

南。蓋後徙在江南。豫章。平王封陳蔡。復遷邑。復九年所遷邑致羣賂。始舉事時所貨賂

施舍寬民。宥罪舉職。舉職脩廢官召觀從。王曰。唯爾所欲

觀從。教子干殺弃疾。弃疾今召用之。明在君為君之義。對曰。臣之先佐開卜。乃使為卜

尹佐卜人使枝如子躬聘于鄭且致犍櫟之田犍櫟本鄭邑楚

中取之平王新事畢弗致知鄭自說服不復須賂故鄭人請曰聞諸道路

將命寡君以犍櫟敢請命對曰臣未聞命既復王

問犍櫟降服而對降服如今解冠也謝違命曰臣過失命未之致也

王執其手曰子毋勤言子毋以見使為勤勞姑歸不穀有事其告

子也王善其有權有事將復使之他年芋尹申亥以王柩告乃改葬

之初靈王卜曰余尚得天下尚庶幾不吉投龜詬天而

呼曰是區區者而不余畀區區小天下。詬呼豆反呼去聲余必自取

之民患王之無厭也故從亂如歸初共王無冢適

冢大也。厭平聲。適丁歷反下同有寵子五人無適立焉乃大有事于

羣望羣望星辰山川而祈曰請神擇於五人者使主社稷乃

徧以璧見於羣望曰當璧而拜者神所立也誰敢

違之既乃與巴姬密埋璧於大室之庭巴姬共王妾大室祖廟使

五人齊而長入拜從長幼以次拜。齊音齋康王跨之過其上靈王肘加

焉子干子晳皆遠之平王弱抱而入再拜皆厭紐

禮違命楚其危哉弁立長之禮違當璧之命終致靈王之亂子干歸韓宣子問

於叔向曰子干其濟乎對曰難宣子曰同惡相求

微見璧紐以為審識。遠去聲厭於甲反

如市賈焉何難

宣子謂弃疾親恃子干共同好惡故言如市賈同利以相求。賈音古。

對曰無與

同好誰與同惡

言弃疾本不與子干同好則亦不得同惡。

取國有五難有寵而

無人一也

寵須賢人而固。

有人而無主二也

雖有賢人當須內主為應。

有主而

無謀三也

謀策謀也。

有謀而無民四也

民衆。

有民而無德五

也

四者既備當以德成。

子干在晉十三年矣晉楚之從不聞達

者可謂無人

晉楚之士從子干游皆非達人。

族盡親叛可謂無主

無親族在楚。

無釁而動可謂無謀

名子干時楚未有大釁。

為羈終世可謂無民

終身羈客在晉是無民。

亡無愛徵可謂無德

楚人無愛念之者。

王虐而不忌

靈王暴虐無所畏忌將自亡。

楚君子干涉五難以弑舊君誰能濟之

言楚借君子干以弑靈王終無能成。

有楚國者其弃疾乎君陳蔡城外屬

焉

城方城也時穿封成既死弃疾并領陳事。

苛慝不作盜賊伏隱私欲不違

不以私欲。

違民事。

民無怨心先神命之

先神謂羣望。

國民信之芊姓有亂

必季實立楚之常也獲神一也

當璧拜。芊彌爾反。

有民二也

民信之。令德三也

無苛慝。

寵貴四也

貴妃子。

居常五也

弃疾季。

有五利

以去五難誰能害之子干之官則右尹也數其貴

寵則庶子也以神所命則又遠之其貴亡矣

位不尊。

寵弃矣

父既沒故。

民無懷焉

非令德。

國無與焉

無內主。

將何以立宣

子曰齊桓晉文不亦是乎

皆庶賤。言皆出亡因亂而入。

對曰齊桓衛

姬之子也。有寵於僖衛姬齊僖公妾。有鮑叔牙賓須無隰朋

以為輔佐。有莒衛以為外主齊桓出奔莒衛有舅氏之助。有國高以

為內主國氏高氏齊上卿。從善如流言其疾也。下善齊肅齊嚴也肅敬也○齊音齋。不

藏賄清也。不從欲儉也○從子用反。施舍不倦施舍猶言布恩德。求善不

厭。是以有國不亦宜乎。我先君文公狐季姬之子

也。有寵於獻。好學而不貳言篤志。生十七年。有士五人

狐偃趙衰顛頡魏武子司空季子五士從出。有先大夫子餘子犯以為腹心子餘趙衰。有

魏犢子犯。賈佗魏犢魏武子也稱五人而說四士賈佗又不在本數蓋叔向所賢。有

齊宋秦楚以為外主齊妻以女宋贈以馬楚王享之秦伯納之。有欒卻狐先以

為內主謂欒枝卻穀狐突先軫也。亡十九年。守志彌篤。惠懷惠公懷公弃民

不恤民也。民從而與之。獻無異親。民無異望獻公之子九人唯文公在。天方

相晉。將何以代文。此二君者。異於子干。共有寵子。

國有奧主謂弃疾也○共音恭○室內西南隅謂之奧奧是內之義奧主國內之主故謂弃疾也。無施於民。

無援於外。去晉而不送。歸楚而不逆。何以冀國傳言子干。

所以蒙弒君之名弃疾所以得國○施去聲。

○晉成虎祁在八年。諸侯朝而歸者。皆有貳心賤其奢也。為取

鄭故取鄭在十年。晉將以諸侯來討。叔向曰。諸侯不可以

不示威知晉德薄欲以威服之。乃竝徵會。告于吳。秋。晉侯會吳子

于良下邳有良城縣水道不可。吳子辭乃還辭不七月丙寅治

兵于邾南。甲車四千乘三十萬人。羊舌鮒攝司馬鮒叔向弟也攝兼官

遂合諸侯于平邱。子產子大叔相。鄭伯以會。子產

以幄幕九張。行幄幕軍旅之帳。四合象宮室曰幄。在上曰幕。幄幕九張。蓋九幄九幕也。子大叔以

四十。既而悔之。每舍損焉。及會亦如之。亦九張也。傳言子產之適宜。大

叔之從善次于衛地。叔鮒求貨於衛。淫芻蕘者欲使衛患之而致貨。淫縱也。

衛人使屠伯饋叔向羹。與一篋錦屠伯衛大夫。曰：諸侯事

晉未敢攜貳。况衛在君之宇下屋宇之下。喻近也。而敢有異

志。芻蕘者異於他日。敢請之。請止之。叔向受羹反錦受羹

示不逆其意且非貨曰：晉有羊舌鮒者。瀆貨無厭瀆數也。平聲。數音朔。亦將

及矣。將及禍為此役也。役事也。言叔鮒為此淫芻蕘之事也。子若以君命賜之。

其已。客從之。未退而禁之。禁芻蕘者晉人將尋盟。齊人不

可。有貳心故晉侯使叔向告劉獻公獻公王卿士劉子。曰：抑齊人不

盟。若之何。對曰：盟以底信。底致也。底音旨。君苟有信。諸侯

不貳。何患焉。告之以文辭。董之以武師。雖齊不許。

君庸多矣。董督也。庸功也。討之有辭。故功多也。天子之老。請帥王賦。元戎

十乘。以先啓行。天子大夫稱老。元戎戎車。在前者啓開也。行道也。遲速唯君。欲佐晉討齊。叔

向告于齊。曰：諸侯求盟。已在此矣。今君弗利。寡君

以為請對曰諸侯討貳則有尋盟若皆用命何盟之尋託用命以拒晉叔向曰國家之敗有事而無業事則不

經業貢賦之業有業而無禮經則不序須禮而有次序有禮而無威

序則不共禮須威嚴而後共有威而不昭共則不明威須昭告神明而後信義

著。孔疏有交好之事而無貢賦之業交好之事不得常矣有貢賦之常而無上下之禮事雖有常不次序矣有上下之禮而無可畏之威雖有次序不共敬矣有可畏之威而不昭告神明雖為共敬不明著矣不明弃共百事不終所由傾覆

也信義不明則弃威不威弃禮無禮無經無業故百事不成是故明王之制使諸侯歲

聘以志業志識也歲聘以脩其職業閒朝以講禮三年而一朝正班爵之義率長幼之序閒去聲再

朝而會以示威六年而一會以訓上下之則制財用之節再會而盟以顯昭明

十二年而一盟所以昭信義也凡八聘四朝再會王一巡守盟于方嶽之下志業於好聘也。好去聲講禮於

等朝朝也示威於眾會也昭明於神盟也。孔疏志識貢賦之業在於交好故使聘也講習上下之

禮在於等差故使朝也示可畏之威在於眾聚故為會也昭明德之信在於告神故為盟也自古以來未之或

失也存亡之道恒由是興晉禮主盟依先王先公舊禮主諸侯盟懼

有不治奉承齊犧齊盟之犧牲而布諸君求終事也終竟也。求終

竟盟約之事君曰余必廢之何齊之有唯君圖之寡君聞

命矣齊人懼對曰小國言之大國制之敢不聽從

既聞命矣敬共以往遲速唯君叔向曰諸侯有閒

矣閒隙也不可以不示眾八月辛未治兵習戰建而不旆

建立旌旗不曳其旆旆游也壬申復旆之諸侯畏之軍將戰則旆故曳旆以恐之邾人

莒人愬于晉曰魯朝夕伐我幾亡矣自昭公即位邾魯同好又不朝夕伐莒無

故怨愬晉人信之所謂讒慝弘多我之不共魯故之以不共晉貢以魯故也晉侯不

見公使叔向來辭曰諸侯將以甲戌盟寡君知不

得事君矣請君無勤託謙辭以絕魯子服惠伯對曰君信蠻

夷之訴蠻夷謂邾莒以絕兄弟之國弃周公之後亦唯君

寡君聞命矣叔向曰寡君有甲車四千乘在雖以

無道行之必可畏也况其率道其何敵之有牛雖

瘠償於豚上其畏不死償什也南蒯子仲之憂其庸可

弃乎弃猶忘也若奉晉之衆用諸侯之師因邾莒杞鄆之

怒四國近魯數以小事相忿鄆已滅其民猶存故并以恐魯以討魯罪間其二憂因南蒯子仲二憂為間隙

何求而弗克魯人懼聽命不敢與盟甲戌同盟于平邱齊

服也經所以稱同令諸侯日中造于除除地為壇盟會處癸酉退朝

先盟朝晉子產命外僕速張於除張幄幕子大叔止之使待明

日及夕子產聞其未張也使速往乃無所張矣地已滿也

傳言子產每事敏於大叔及盟子產爭承承貢賦之次○言所出貢賦多少之次當承何國之下也曰昔天

子班貢輕重以列列位也列尊貢重周之制也公侯地廣故所貢者多

卑而貢重者甸服也甸服謂天子畿內共職貢者鄭伯男也而使從

公侯之貢

言鄭國在甸服外爵列伯子男不應出公侯之貢。王氏肅曰鄭伯爵而連男言之猶言曰公侯足向辭也。

懼弗

給也敢以為請諸侯靖兵好以為事

靖息也。靖好去聲。

行理

之命

行理使人通聘問者

無月不至貢之無藝

藝法

小國有關所

以得罪也諸侯脩盟存小國也貢獻無極亡可待

也存亡之制

制貢輕則小國存制貢重則小國亡

將在今矣自日中以爭

至于昏晉人許之既盟子大叔咎之曰諸侯若討

其可瀆乎

瀆易也。言晉若以諸侯之兵討鄭其可瀆慢而不畏乎

子產曰晉政多門

家貳偷之不暇何暇討

貳不壹偷苟且

國不競亦陵何國之

為

不競爭則為人所侵陵不成為國

公不與盟

信邾莒之訴欲討魯故

晉人執季孫意

如以幕蒙之

蒙裏也

使狄人守之司鐸射

魯大夫

懷錦奉壺

飲冰以蒲伏焉守者御之乃與之錦而入

蒲伏竊往飲季孫冰箭箭

蓋可以取飲。一云時方盛夏故飲冰以辟暑。音捧蒲伏本又作匍匐

晉人以平子歸子服湫從

湫子服惠伯從至晉。湫子小反

子產歸未至聞子皮卒哭且曰吾已

無為為善矣

言無為更須為善矣

唯夫子知我

言子皮知己之善

仲尼

謂子產於是行也足以為國基矣詩曰樂旨君子

邦家之基

詩小雅言樂與君子為治乃國家之基本

子產君子之求樂者也且

曰合諸侯藝貢事禮也

嫌爭競不順故以禮明之。言盟主會合諸侯限藝貢賦使之有常是為得禮

則子產爭之不為有失也

○鮮虞人聞晉師之悉起也五年傳曰遺守四千今甲車四千乘故為悉起而不

警邊且不脩備言夷狄無謀晉荀吳自著雍以上軍侵鮮

虞及中人驅衝競中山望都縣西北有中人城今屬直隸保定府唐縣大

獲而歸為十五年晉伐鮮虞傳

○楚之滅蔡也靈王遷許胡沈道房申於荆焉平

王即位既封陳蔡而皆復之禮也滅蔡在十一年許胡沈小國也道房申皆故諸

侯楚滅以為邑荆荆山也傳言平王得安民之禮汝南有吳防縣即防國○今河南汝寧府遂平縣西有吳房城本房子國楚靈王遷房於楚吳夫概奔楚楚封於此故曰吳房隱犬子之子廬歸于蔡禮也隱犬子犬子

杜作防傳寫誤也悼犬子之子吳歸于陳禮也悼犬子偃師也吳陳惠公

○冬十月葬蔡靈公禮也國復成禮以葬也此陳蔡事傳皆言禮嫌楚所封不得比諸侯故明之

○公如晉荀吳謂韓宣子曰諸侯相朝講舊好也

執其卿而朝其君有不好焉不如辭之乃使士景

伯辭公于河景伯士文伯之子彌牟也

○吳滅州來令尹子旗請伐吳王弗許曰吾未撫

民人未事鬼神未脩守備未定國家而用民力敗

不可悔州來在吳猶在楚也子姑待之傳言平王所以能有國

○季孫猶在晉子服惠伯私於中行穆子私與之語曰魯

事晉何以不如夷之小國魯兄弟也土地猶大所

命能具若為夷弃之使事齊楚其何瘳於晉瘳差也親

親與大賞共罰否所以為盟主也子其圖之諺曰

臣一主二言一臣必有二主道不合得去事他國吾豈無大國言非獨晉可事穆子告

韓宣子且曰楚滅陳蔡不能救而為夷執親將焉

用之乃歸季孫惠伯曰寡君未知其罪合諸侯而

執其老老尊若猶有罪死命可也死晉命也若曰無罪而惠

免之諸侯不聞是逃命也何免之為請從君惠於

會欲得盟會見遣不欲私去宣子患之謂叔向曰子能歸季孫乎對

曰不能鮒也能鮒叔魚乃使叔魚叔魚見季孫曰昔鮒

也得罪於晉君自歸於魯君蓋襄二十一年坐叔虎與欒氏黨并得罪微武子

之賜不至於今武子季平子祖父雖獲歸骨於晉猶子則肉

之敢不盡情歸子而不歸鮒也聞諸吏將為子除

館於西河西使近河其若之何且泣泣以信其言平子懼先歸惠

伯待禮待見遣之禮

經十有四年春意如至自晉書至者喜得免○三月曹伯滕

卒無傳四同盟○夏四月無傳○秋葬曹武公無傳○八月莒

子去疾卒未同盟○冬莒殺其公子意恢以禍亂告不必繫於為卿故雖公子亦書

意恢與亂君為黨故書名惡之○恢苦回反○陳氏傳良曰書殺意恢以非其罪也

傳十四年春。意如至自晉。尊晉罪己也。以舍族為尊。晉罪己。禮也。禮脩己而不責人。孫氏復曰。大夫執則至。至則名不稱氏。前見也。

○南蒯之將叛也。盟費人。司徒老邾慮癸。二人南蒯家臣。司徒老邾為一人。慮癸為一人。司徒姓老邾字。偽廢疾。使請於南蒯曰。臣願受盟而

疾興。若以君靈不死。請待閒而盟。閒。差也。差。初賣反。許之。二

子因民之欲叛也。請朝衆而盟。欲因合衆。以作亂。遂劫南蒯。

曰。羣臣不忘其君。君謂季氏。畏子以及今。三年聽命矣。子

若弗圖。費人不忍其君。將不能畏子矣。不能復畏子。子何

所不逞欲。請送子。送使出奔。請期五日。南蒯請期。冀有變。遂奔齊。侍

飲酒於景公。公曰。叛夫。對曰。臣欲張公室也。戲對。張強也。

子韓皙曰。齊大夫。家臣而欲張公室。罪莫大焉。言越職。司徒

老邾慮癸來歸費。歸。魯齊侯使鮑文子致之。南蒯雖叛。費人不從。未專屬齊。二子逐蒯而復其舊。故經不書歸費。齊使文子致邑。欲以假好。非事實也。

○夏。楚子使然丹簡上國之兵於宗邱。且撫其民。

上國在國都之西。西方居上流。故謂之上國。宗邱。楚地。當在今湖廣荊州府歸州境。分貧振窮。分與也。振。救也。長孤

幼。養老疾。收介特。介特。單身民也。收。養不使流散。救災患。宥孤寡。寬其賦稅。赦

罪戾。詰姦慝。詰。責問也。舉淹滯。淹滯。有才德而未敘者。禮新敘舊。新。新羈旅也。祿勲

合親。勲。功也。親。九族。任良物官。物事也。言量事而官之也。使屈罷簡東國之

昭公

德榮

兵於召陵

兵在國都之東者。罷音皮。

亦如之

如然丹

好於邊疆

結好四鄰

息民

五年而後用師禮也

○秋八月莒著邱公卒郊公不感

郊公著邱公子。著直居反。

國人

弗順欲立著邱公之弟庚與

庚與莒共公。與音餘本亦作與。

蒲餘侯

惡公子意恢而善於庚與

蒲餘侯莒大夫茲夫也。意恢莒羣公子。

郊公惡公

子鐸而善於意恢

鐸亦羣公子。

公子鐸因蒲餘侯而與之

謀曰爾殺意恢我出君而納庚與許之

為下冬殺意恢傳。

○楚令尹子旗有德於王不知度

有佐立之德。

與養氏比

而求無厭

養氏子旗之黨養由基之後。比毗志反。厭平聲。

王患之九月甲午楚子

殺鬪成然而滅養氏之族使鬪辛居鄭以無忘舊

勲

辛子旗之子鄭公辛。鄭音云。

○冬十二月蒲餘侯茲夫殺莒公子意恢郊公奔

齊公子鐸逆庚與於齊齊隰黨公子鉏送之有賂

田

莒賂齊以田。

○晉邢侯與雍子爭鄙田

邢侯楚申公巫臣之子也。雍子亦故楚人。鄙許六反。襄二十六年傳稱

巫臣奔晉晉人與之邢雍奔晉晉人與之鄙則鄙是雍子之田也。

久而無成士景伯如楚

士景伯晉理官。

叔魚攝理

攝代景伯。

韓宣子命斷舊獄罪在雍子雍子納

其女於叔魚叔魚蔽罪邢侯

蔽斷也。斷丁亂反。

邢侯怒殺叔

魚與雍子於朝宣子問其罪於叔向叔向曰三人同罪施生戮死可也施行罪也雍子自知其罪而賂以買

直鮒也鬻獄邢侯專殺其罪一也已惡而掠美為

昏掠取也昏亂也○掠音亮貪以敗官為墨墨不潔之稱殺人不忌為賊忌畏也

夏書曰昏墨賊殺逸書三者皆死刑臯陶之刑也請從之乃

施邢侯而尸雍子與叔魚於市仲尼曰叔向古之

遺直也言叔向之直有古人遺風治國制刑不隱於親謂國之大問已所答當也至於他事則宜

夫可謂直矣於義未安直則有之○孔疏義者於事合宜所為得理直者唯無阿曲未能圓通平邱之會

數其賄也謂言瀆貨無厭以寬衛國晉不為暴歸魯季孫稱

其詐也謂言鮒也能以寬魯國晉不為虐邢侯之獄言其

貪也以正刑書晉不為頗三言而除三惡加三利

經十有五年春王正月吳子夷末卒無傳未同盟○二月

癸酉有事于武宮籥入叔弓卒去樂卒事畧書有事為叔弓卒起也

武宮魯武公廟成六年復立之○孔疏祭必有樂樂有文舞武舞文執羽籥武

執干鉞其入廟也必先文而後武當籥始入叔弓暴卒故於是去樂不用而終

卒祭事也叔弓之卒當籥入之時故舉籥入也及其去之則

諸樂皆去故云去樂鐘鼓管磬悉皆去之非獨去籥舞也

○夏蔡朝

昭公

聖傳

義故重疑之

其餘則以直傷

則三利加○頗普何反

三惡暴虐頗也三惡除

吳出奔鄭

朝吳不遠讒人所以見逐而書名○胡傳朝吳為出奔費無極害其寵也無極楚之讒人志朝吳出奔而入郢之師兆矣

○六月丁巳朔日有食之

無傳

○秋晉荀吳帥師伐

鮮虞○冬公如晉

傳十五年春將禘于武公

○汪氏克寬曰有事武宮乃春祠之祭也左氏以禘為四時之祭遂誤以

為禘耳戒百官

齊戒○將祭必齊祭前豫戒之

梓慎曰禘之日其有咎乎吾

見赤黑之祲非祭祥也喪氛也

祲妖氛也蓋見於宗廟故以為非祭祥也氣惡氣也○祲

子鳩反其在涖事乎

涖臨也○涖事者當其咎

二月癸酉禘叔弓涖事籥

入而卒去樂卒事禮也

大臣卒故為之去樂

○楚費無極害朝吳之在蔡也

朝吳蔡大夫有功於楚平王故無極恐其有寵疾害之○

費扶味反

欲去之乃謂之曰王唯信子故處子於蔡子亦

長矣而在下位辱必求之吾助子請

請求上

又謂其上

之人

蔡人在上位者

曰王唯信吳故處諸蔡二三子莫之如

也而在其上不亦難乎弗圖必及於難夏蔡人逐

朝吳朝吳出奔鄭王怒曰余唯信吳故寘諸蔡且

微吳吾不及此女何故去之無極對曰臣豈不欲

吳

非不欲善吳

然而前知其為人之異也

言其多權謀

吳在蔡蔡

必速飛去吳所以翦其翼也

以鳥喻也言吳在蔡必能使蔡速強而背楚

○六月乙丑王犬子壽卒

周景王子

○秋八月戊寅王穆

后崩犬子壽之母也傳為晉荀躒如周葬穆后起

○晉荀吳帥師伐鮮虞圍鼓鼓白狄之別鉅鹿下曲陽縣有鼓聚○下曲陽故城在今直隸

真定府晉州西今晉州治即鼓國漢志所謂鼓聚也鼓人或請以城叛穆子弗許左右

曰師徒不勤而可以獲城何故不為穆子曰吾聞

諸叔向曰好惡不愆民知所適事無不濟愆過也適歸也或

以吾城叛吾所甚惡也人以城來吾獨何好焉賞

所甚惡若所好何無以復加所好若其弗賞是失信也何以

庇民力能則進否則退量力而行吾不可以欲城

而邇姦所喪滋多使鼓人殺叛人而繕守備圍鼓

三月鼓人或請降使其民見曰猶有食色姑脩而

城軍吏曰獲城而弗取勤民而頓兵何以事君穆

子曰吾以事君也獲一邑而教民怠將焉用邑邑

以賈怠不如完舊完猶保守○賈音古○言與其獲一邑而賈人以怠惰不如令其民姑保守其舊也賈怠

無卒卒終也弃舊不祥鼓人能事其君我亦能事吾君

○今不受其降使其盡力守城是鼓人能事其君我教民不怠是我亦能事吾君也率義不爽爽差也好惡不愆

城可獲而民知義所知義所在也荀吳必其能獲故因以示義有死命而無二

心○盡忠以死君命不亦可乎鼓人告食竭力盡而後取之

克鼓而反不戮一人以鼓子戴鞮歸戴鞮鼓君名○戴本又作戴悅全反

奉之以土田有南陽撫之以彝器弓鉞之屬旌之以車服襄之路明

之以文章旗子孫不忘所謂福也福祚之不登叔

父焉在言福祚不在叔父當在誰邪且昔而高祖孫伯鷹司晉之典

籍以為大政故曰籍氏孫伯鷹晉正卿籍談九世祖鷹以斬反九世祖稱高祖者言是高遠之祖也

及辛有之二子董之晉於是乎有董史辛有周人為高祖意同

籍談不能對賓出王曰籍父其無後乎數典而忘

其祖忘祖業。數色主反籍談歸以告叔向叔向曰王其不終

乎吾聞之所樂必卒焉今王樂憂若卒以憂不可

謂終王一歲而有三年之喪二焉天子絕期唯服三年故后雖期通謂之三年喪

賓宴又求彝器樂憂甚矣且非禮也彝器之來嘉

功之由非由喪也孔子疏諸侯自有善功乃作常器以獻其功獻非由喪也三年之喪雖

貴遂服禮也天子諸侯除喪當在卒哭今王既葬而除故譏其不遂也孔子疏遂由申也竟也言三年之喪雖貴為天子由當

申遂其服使終日月王雖弗遂宴樂以早亦非禮也言今雖不能遂服猶當靜嘿而

禮王之大經也一動而失二禮無大經矣便宴樂又

失禮也失二禮謂既不遂服又設宴樂言以考典考成也典以志經忘經而多言舉

典將焉用之為二十二年王室亂傳

昭公 德榮

經十有六年春齊侯伐徐○楚子誘戎蠻子殺之

○戎是種號蠻是國名子爵也○夏公至自晉○秋八月己亥晉侯夷

卒未同盟○九月大雩○季孫意如如晉○冬十月葬

晉昭公三月而葬速

傳十六年春王正月公在晉晉人止公不書諱之

也猶以取鄭故也公為晉人所執止故諱不書

○齊侯伐徐楚子聞蠻氏之亂也與蠻子之無質

也質信也○蠻子雖與楚舊交元無誠信使然丹誘戎蠻子嘉殺之遂取蠻

氏既而復立其子焉禮也詐之非也立其子禮也河南新城縣東南有蠻城○今在河南汝州西南

二月丙申齊師至于蒲隧蒲隧徐地下邳取慮縣東有蒲如陂○今在江南鳳陽府虹縣北取慮上

音秋下力居反陂彼皮反徐人行成徐子及邾人莒人會齊侯盟于

蒲隧賂以甲父之鼎甲父古國名高平昌邑縣東南有甲父亭徐人得甲父鼎以賂齊○邾莒畏齊討已故從

哉為小國害齊君之無道也與師而伐遠方會之有成而

還莫之亢也無亢禦無伯也夫詩曰宗周既滅靡所止

戾正大夫離居莫知我肄詩小雅戾定也肄勞也言周舊為天下宗今乃衰滅亂無息定執政大夫

離居異心無有念民勞者也其是之謂乎傳言晉之衰○言今晉衰微不能止亂晉之諸卿異心不憂民之勞苦如詩人之所云

○三月晉韓起聘于鄭鄭伯享之子產戒曰苟有

昭公

位於朝無有不共恪孔張後至立於客間孔張子孔之孫○禮大夫

立於東夾南面張立於客間者蓋賓入未升階時立於西方孔張誤立於客間也執政禦之執政掌位列者禦止也適客

後又禦之適縣間縣樂肆○張又移立於客之西執政又禦止之張又益趨西乃立於鐘磬樂肆之間客從

而笑之事畢富子諫富子鄭大夫諫子產也曰夫大國之人不可

不慎也幾為之笑而不陵我言數見笑則必陵侮我○幾居豈反下幾求同我皆

有禮夫猶鄙我鄙賤也○言以我為鄙邑而陵之也國而無禮何以求榮

孔張失位吾子之恥也子產怒曰發命之不衷衷當也

出令之不信刑之頗類緣事類以成偏頗○頗普多反○孔疏事有相類真偽難明緣此事類以致偏頗也服虔讀類為類解云頗偏也類不平也獄之放紛放縱也紛亂也會朝之不敬謂國無禮敬之

心○會朝謂出外會朝於大國使命之不聽下不從上命取陵於大國罷民而

無功罪及而弗知僑之恥也孔張君之昆孫子孔

之後也昆兄也子孔鄭襄公兄孔張之祖父執政之嗣也子孔嘗執鄭國之政為嗣大

夫承命以使周於諸侯國人所尊諸侯所知立於

朝而祀於家卿得自立廟於家○使去聲下以使同有祿於國受祿邑有賦於軍

軍出卿賦百乘喪祭有職有所主受賑歸賑受賑謂君祭以肉賜大夫歸賑謂大夫祭歸肉於公皆社之戎

祭也○賑市軫反○孔疏大夫不得私自出軍自祭私社而得歸賑於公者謂大夫奉君命以戎事攝祭於社也其祭在廟

已有著位在位數世世守其業而忘其所僑焉得

恥之其祭在廟謂助君祭辟邪之人而皆及執政是先王無刑

昭公

聖傳

罰也言為過謬者自應用刑罰。辟，匹亦反。子寧以他規我規，正也。宣子有環其

一在鄭商玉環，同工共朴，自共為雙。宣子謁諸鄭伯謁，請也。子產弗與，曰：

非官府之守器也。寡君不知，子大叔子羽謂子產

曰：韓子亦無幾求言所求少。晉國亦未可以貳。晉國韓子

不可偷也偷，薄也。若屬有讒人交鬪其間屬，音燭。鬼神而助

之以興其凶怒，悔之何及？吾子何愛於一環？其以

取憎於大國也。盍求而與之。子產曰：吾非偷晉而

有二心，將終事之，是以弗與。忠信故也。所以盡忠於宣子而守與晉

之信也。僑聞君子非無賄之難，立而無令名之患。僑聞

為國，非不能事大字小之難，無禮以定其位之患。

夫大國之人，令於小國，而皆獲其求，將何以給之？

一共一否，為罪滋大滋，益也。大國之求，無禮以斥之，何

饜之有？吾且為鄙邑，則失位矣不復成國。若韓子奉命以

使而求玉焉，貪淫甚矣，獨非罪乎？出一玉以起二

罪，吾又失位，韓子成貪，將焉用之？且吾以玉賈罪，

不亦銳乎？銳，細小也。賈，音古。韓子買諸賈人，既成賈矣，商人

曰：必告君大夫。韓子請諸子產，曰：日起請夫環，執

政弗義，弗敢復也。復，重求也。成賈，音嫁。今買諸商人，商人曰：必

以聞敢以為請。子產對曰：昔我先君桓公與商人

皆出自周。鄭本在周畿內桓公東遷并與商人俱庸次比耦。庸用也。用次更相從耦耕。比毗志反。言與商

人用次序相比而耦耕也。以艾殺此地，斬之蓬蒿藜藿，而共處之。世

有盟誓，以相信也。曰：爾無我叛，我無強賈。無強市其物。艾，魚廢反。

藿，徒弔反。強，其丈反。賈，音古。毋或勾奪，爾有利市寶賄，我勿與知。恃

此質誓，故能相保，以至于今。今吾子以好來辱，而

謂敝邑強奪商人，是教敝邑背盟誓也。毋乃不可

乎？吾子得玉而失諸侯，必不為也。若大國令，而共

無藝，藝法也。鄭鄙邑也。則是鄭國為晉邊鄙之邑。亦弗為也。不欲為鄙邑之事。僑

若獻玉，不知所成，敢私布之。布，陳也。韓子辭玉，曰：起不

敏，敢求玉以徼二罪，敢辭之。傳言子產知禮，宣子能改過。夏四月，鄭

六卿餞宣子於郊。餞，送行飲酒。宣子曰：二三君子請皆賦，

起亦以知鄭志。詩言志也。子蠶賦：野有蔓草。子蠶，子皮之子，嬰齊也。野有蔓草，詩鄭風。

取其邂逅相遇適我願兮。蠶，才何反。宣子曰：孺子善哉，吾有望矣。君子相願，已所望也。子

產賦：鄭之羔裘。言鄭別於唐羔裘也。取其彼已之宣子曰：起不

堪也。不堪國之司直。子大叔賦：褰裳。褰裳，詩曰：子惠思我，褰裳涉溱。子不

之志，如不我思。宣子曰：起在此，敢勤子至於他人乎？言已亦豈無他人。

好在此，不復令子適他人。子大叔拜。謝宣子之有鄭。宣子曰：善哉，子之言是。是褰裳

不有是事其能終乎

韓起不欲令鄭求他人子犬叔拜以答之所
以晉鄭終善○傅氏遜曰人情相與玩習恒

不善其終惟有是
警戒當能終於好

子游賦風雨

子游駟帶之子駟偃也風雨
詩取其既見君子云胡不夷

子旗

賦有女同車

子旗公孫段之子豐施也有女同
車取其洵美且都愛樂宣子之志

子柳賦摯兮

子柳
印段

之子印癸也摯兮詩取其倡子和女
言宣子倡已將和從之○摯他洛反

宣子喜曰鄭其庶乎

庶幾於
興盛

二三君子以君命貺起賦不出鄭志

六詩皆鄭風故
曰不出鄭志

皆

昵燕好也

昵親也賦不出其國以
示親好○昵女乙反

二三君子數世之主也

可以無懼矣宣子皆獻馬焉而賦我將

我將詩頌取其
日靖四方我其

夙夜畏天之威言志
在靖亂畏懼天威

子產拜使五卿皆拜曰吾子靖亂敢

不拜德宣子私覲於子產以玉與馬曰子命起舍

夫玉是賜我玉而免吾死也敢不藉手以拜

以玉馬藉
手拜謝

○公至自晉

晉聽
公歸

子服昭伯語季平子

昭伯惠伯之子子服
回也隨公從晉還

曰晉之公室其將遂卑矣君幼弱六卿彊而奢傲

將因是以習習實為常能無卑乎平子曰爾幼惡

識國

昭伯尚少平子不
信其言○惡平聲

○秋八月晉昭公卒

為下平子
如晉葬起

○九月大雩旱也鄭大旱使屠擊祝款豎柎有事

於桑山

三子鄭大夫有事
祭也○柎音附

斬其木不雨子產曰有事于

山藝山林也

藝養護令繁
殖○藝音藝

而斬其木其罪大矣奪之官

邑

○冬十月季平子如晉葬昭公。平子曰：子服回之言猶信。

自往見之。乃信回言。子服氏有子哉。有賢子也。

經十有七年春，小邾子來朝。○夏六月甲戌朔，日

有食之。○秋，郟子來朝。○八月，晉荀吳帥師滅陸

渾之戎。○冬，有星孛于大辰。大辰，房心尾也。妖變非常，故書大火，謂之大辰。大辰，蒼龍宿

之體，心在中，最明，故以候四時。字音佩，彗星也。狀似掃帚，光芒孛孛然。○楚人及吳戰于長岸。吳楚

莫肯告負，故但書戰而不書敗也。長岸，楚地。今江南太平府當塗縣西南三十里有西梁山，與東梁山夾江相對，如門之闕，亦曰天門山。郡國志云：春秋楚獲吳乘舟餘皇處也。

傳十七年春，小邾穆公來朝，公與之燕。季平子賦

采芻。采，叔詩小雅，取其君子來朝。何錫與之，以穆公喻君子。穆公賦菁菁者莪。菁菁者莪，亦

既見君子，樂且昭子曰：不有以國，其能久乎？嘉其能答賦言其賢，故能久有國。

○夏六月甲戌朔，日有食之。祝史請所用幣。禮，正陽

食，當用幣於社，故請之。昭子曰：日有食之，天子不舉。不舉，盛饌。伐鼓於社

責羣諸侯用幣於社。責上伐鼓於朝。退自責禮也。平子禦之

御禁也。曰：止也。唯正月朔，慝未作，日有食之，於是乎有

伐鼓用幣，禮也。其餘則否。大史曰：在此月也。正月，謂

陽之月也。於周為六月，於夏為四月。慝，陰氣也。四月純陽用事，陰氣未動而侵陽災重，故有伐鼓用幣之禮也。平子以為六月非正月，故大史答言在此

春火傳土生卷三

昭公

聖傳

月日過分而未至過春分而未夏至三辰有災三辰日月星也日月相侵又犯是宿故三辰皆為災

於是乎百官降物降物素服君不舉辟移時辟正寢過日食時樂奏

鼓伐鼓○奏進也樂官進鼓則伐之故云伐鼓祝用幣用幣於社史用辭用辭以自責故復書

曰辰不集于房逸書也集安也房舍也日月不安其舍則食○今消征瞽奏鼓瞽樂師嗇夫

馳庶人走車馬曰馳步曰走為救日食備也此月朔之謂也當復四月謂

之孟夏言此六月當夏家之四月平子弗從昭子退曰夫子將有異

志不君君矣安君之災故曰有異志

○秋郟子來朝公與之宴昭子問焉曰少皞氏烏

名官何故也少皞金天氏黃帝之子己姓之祖也問何故以烏名官○少皞氏身號金天氏代號也下炎帝大皞等同郟

子曰吾祖也我知之昔者黃帝氏以雲紀故為雲

師而雲名黃帝軒轅氏姬姓之祖也黃帝受命有雲瑞故以雲紀事百官師長皆以雲為名炎帝氏以火紀故為火師而火名

共工氏以水紀故為水師而水

名共工以諸侯霸有九州者在神農前大皞後亦受水瑞以水名官大皞氏以龍紀故為龍師

而龍名大皞伏羲氏風姓之祖也我高祖少皞摯之立也鳳

鳥適至故紀於鳥為鳥師而鳥名鳳鳥氏歷正也

鳳鳥知天時故以名歷正之官立鳥氏司分者也立鳥燕也以春分來秋分去伯趙氏司

至者也伯趙伯勞也以夏至鳴冬至止青鳥氏司啓者也青鳥鷦鷯也以立春鳴立夏止○鷦音倉

昭公

鷓亦作鷓。丹鳥氏司閉者也。丹鳥鷓雉也。以立秋來立冬去。入大於諫反。

必滅。祝鳩氏司徒也。祝鳩鷓雉也。鷓雉孝。故為司徒主教民。鳴鳩氏司馬也。鳴鳩鷓雉也。鷓雉春反。

也。鷓而有別。故為司馬。鳴鳩氏司空也。鳴鳩鷓雉也。鷓雉平均。故為司空。平水土。鷓簡八反。鷓居主法制。鷓七徐反。

六。爽鳩氏司寇也。爽鳩鷓雉也。鷓鷓故為司寇。主盜賊。鷓鳩氏司事也。鷓鷓鷓也。鷓鷓春反。

來冬去。故五鳩鳩民者也。鳩聚也。治民上聚。故以鳩為名。五雉為五工正。

五雉。雉有五種。西方曰鷓雉。東方曰鷓雉。南方曰鷓雉。北方曰鷓雉。伊洛之南曰鷓雉。鷓音存。鷓側其反。鷓又作希。利器用正。

度量。夷民者也。夷平也。九扈為九農正。扈有九種也。春扈鷓鷓。夏扈鷓鷓。秋扈鷓鷓。冬扈鷓鷓。棘扈鷓鷓。丹行扈鷓鷓。宵扈鷓鷓。桑扈鷓鷓。老扈鷓鷓。以九扈為九農之號。各隨其宜。以教民事。鷓扶云反。鷓教倫反。鷓側百反。鷓音責。

扈民無淫者也。扈止也。止民使不淫放。自顓頊以來。不能紀遠。乃

紀於近。為民師而命以民事。則不能故也。顓頊氏代不能致遠。瑞而

仲尼聞之。見於郊子而學之。於是仲尼以民事命官。年二十八既

而告人曰。吾聞之。天子失官。學在四夷。猶信。失官官不脩其

職也。傳言聖人無常師。

○晉侯使屠蒯如周。請有事於雒與三塗。屠蒯晉侯之膳宰也。以忠

諫。見進雒雒水也。三塗。山名。在陸渾南。萇弘謂劉子曰。客容猛。非祭也。其伐

戎乎。陸渾氏甚睦於楚。必是故也。君其備之。乃警

戎備。警戒以備戎也。九月丁卯。晉荀吳帥師。涉自棘津。

河津名。今在河南。使祭史先用牲于雒。陸渾人弗知。師

衛輝府胙城縣北。昭公。威懷。

從之庚午遂滅陸渾數之以其貳於楚也陸渾子

奔楚其眾奔甘鹿甘鹿周地周大獲先警戎備故獲宣子夢文公攜

荀吳而授之陸渾故使穆子帥師獻俘于文宮欲以應夢

○冬有星孛于大辰西及漢復之八月辰星見在天漢西今孛星出辰西光芒東及天漢

申須曰彗所以除舊布新也申須魯大夫彗似銳反天事恒象天道恒以

象類告示人今除於火火出必布焉諸侯其有火災乎今火向伏

故知當須火出乃布散為災梓慎曰往年吾見之是其徵也徵始有形象而微也火

出而見前年火出時見音現今茲火出而章必火入而伏隨火沒也其

居火也久矣歷二年其與不然乎言必然也○邵氏寶曰其與語辭猶曰其諸火出

於夏為三月謂昏於商為四月於周為五月夏數得

天得天正○斗柄所指一歲十二月分為四時夏以建寅為正則斗柄東指為春南指為夏是為得天四時之正也若火作

其四國當之在宋衛陳鄭乎宋大辰之虛也大辰大火宋分

野○虛起居反陳大皞之虛也大皞居陳木火所自出鄭祝融之虛也祝融高辛氏之

火正居鄭皆火房也房舍也星孛及漢漢水祥也天漢水也衛顓頊之

虛也故為帝邱衛今濮陽縣昔帝顓頊居之其城內有顓頊冢其星為大水衛星營室

也水火之牡也牡雄也○陰陽書有五行嫁娶之法火畏水故以丁為王妃是水為火之雄其以丙

子若壬午作乎水火所以合也丙午火壬子水水火合而相薄水少而火多故水不勝火

彗在大辰為多及漢為少是水少而火多也若火入而伏必以壬午尚未知今孛星當復隨火星俱

伏否故言若

不過其見之月

火見周之五月

鄭裨竈言於子產曰宋

衛陳鄭將同日火若我用瓘竈玉瓚鄭必不火

玉爵也瓚勺也欲以禳火瓘古亂反勺上若反襍如羊反

子產弗與

以為天災流行非禳所息故也為明年宋衛陳鄭災傳

○吳伐楚陽句為令尹卜戰不吉

陽句穆王曾孫令尹子瑕

司馬子

魚曰我得上流何故不吉

子魚公子魴也順江而下易用勝敵

且楚故司馬

令龜我請改卜令曰魴也以其屬死之楚師繼之

尚大克之吉

得吉兆魴音房

戰于長岸子魚先死楚師繼之

大敗吳師獲其乘舟餘皇

餘皇舟名

使隨人與後至者守

之環而塹之及泉

環周也塹七豔反

盈其隧炭陳以待命

隧出

吳公子光

光諸樊子闔廬

請於其眾曰喪先王之乘舟豈唯

光之罪眾亦有焉請藉取之以救死

藉眾之力以取舟

眾許

之使長鬣者三人

長鬣多髭鬚與吳人異形狀詐為楚人

潛伏於舟側曰我

呼餘皇則對師夜從之

師吳師也

三呼皆迭對

迭更也

楚人從

而殺之楚師亂吳人大敗之取餘皇以歸

傳言吳光有謀

春秋左傳杜注卷第二十三

春秋左傳杜注卷第二十四

春秋左傳杜注卷第二十四
昭公八年春王三月曹伯須卒
六月邾人入郟
秋葬曹平公
冬許遷于
白羽

春秋左傳杜注卷第二十四

華亭姚培謙學

昭公

經十有八年春王三月曹伯須卒未同盟而赴以名○夏五

月壬午宋衛陳鄭災來告故書天火曰災○六月邾人入郟郟國今琅

秋葬曹平公○冬許遷于

白羽自葉遷也畏鄭而樂遷故以自遷為文

傳十八年春王二月乙卯周毛得殺毛伯過毛伯過周大夫

得過之族○過平聲而代之代居其位萇弘曰毛得必亡是昆吾稔之

日也。侈故之以昆吾，夏伯也。稔熟也。侈惡積熟。以乙卯日與桀同誅。昆吾，祝融之後。嘗為夏伯，以惡熟誅者。乃其後世子孫耳。而毛得以濟侈於王都，不亡何待。為二十六年。毛伯奔楚傳。

○三月，曹平公卒。為下會葬見原伯起本。

○夏五月，火始昏見。火心星。丙子，風。梓慎曰：「是謂融風。」

火之始也。東北曰融風。融風，木也。木，火母，故曰火之始。七日，其火作乎。從丙子至壬午七日。壬午。

水火合之日。故知當火作。戊寅，風甚。壬午，火甚。宋衛陳鄭皆火。梓慎

登大庭氏之庫以望之。大庭氏，古國名。在魯城內。魯於其處作庫。高顯，故登以望氣。參近占以審前年之言。

曰：「宋衛陳鄭也。」數日，皆來告火。言經所以書。裨竈曰：「不用

吾言，鄭又將火。」前年裨竈欲用瓊華禳火。子產不聽，今復請用之。鄭人請用之。信竈言。子

產不可。子大叔曰：「寶以保民也。若有火，國幾亡，可

以救亡。子何愛焉？」子產曰：「天道遠，人道邇，非所及

也。何以知之？」竈焉知天道，是亦多言矣。豈不或信

也。里析告子產曰：「將有大祥。」傳言天道難明，雖裨竈猶不足以盡知之。鄭之未災

也。里析告子產曰：「將有大祥。」里析，鄭大夫。祥，變異之氣。對舉，則祥與殃別。單言，則五行傳

也。里析告子產曰：「將有大祥。」青祥，白祥之類，皆以惡徵為祥也。民震動，國幾亡。吾身浪焉。弗良及也。

言將先災死。○孔疏：良是語辭。史傳多云良所未悟，良有以也。是古今共有此語。國遷，其可乎？子產曰：「雖

可，吾不足以定遷矣。」子產知天災不可逃，非遷所免，故託以知不足。及火，里析死

矣。未葬，子產使輿三十人遷其柩。以其嘗與已言故。火作，子

產辭晉公子公孫于東門晉人新來未入故辭不使前也使司寇出新

客新來聘者禁舊客勿出於宮為其知國情不欲令去使子寬子上巡羣

屏攝至于犬宮二子鄭大夫屏攝祭祀之位犬宮鄭祖廟巡行宗廟不得使火及之○屏上聲○孔疏子寬游吉之子與游速

龜登開卜大夫使祝史徙主祔於周廟告于先君祔廟主石函周廟厲王廟

也○有火災故合羣主於祖廟易救護○祔音石使府人庫人各倣其事倣備火也商成公

倣司宮商成公鄭大夫司宮巷伯寺人之官出舊宮人寘諸火所不及舊宮人先

公宮女司馬司寇列居火道備非常也行火所燠燠炙也○燠許靳反城下

之人伍列登城為部伍登城備姦也明日使野司寇各保其徵

野司寇縣士也○火之明日四方乃聞災故戒保所徵役之人○慮有所須當徵之郊人助祝史除於國

北為祭處於國北者就犬陰禳火禳火于立寘回祿立寘水神回祿火神祈于四廊

廊城也城積土陰氣所聚故祈祭之以禳火之餘災書焚室而寬其征與之材征賦稅也三日

哭國不市示憂戚不會市使行人告於諸侯宋衛皆如是陳

不救火許不弔災君子是以知陳許之先亡也不義

所以亡

○六月邠人藉稻邠姓國也其君自出藉稻蓋履行之邠人襲邠邠人將

閉門邠人羊羅攝其首焉斬得閉門者頭攝訓為持遂入之盡俘

以歸邠子曰余無歸矣從帑於邠邠莊公反邠夫

聖傳

昭公

春秋左傳卷之四

聖傳

聖傳

聖傳

人而舍其女

為明年宋伐邾起

○秋葬曹平公往者見周原伯魯焉

原伯魯周大夫

與之語

不說學

說音悅

歸以語閔子馬閔子馬曰周其亂乎夫

必多有是說而後及其大人

國亂俗壞言者適多漸以及大人夫人在位者言其國內必多有

是不說學問之說也而後流傳及其在位之大人

大人患失而惑又曰可以無學無

學不害

患有學而失道者以惑其意大人患其國內有多學而失其道者而疑惑於此言謂此言有道理也大人於是又為言曰其實可

以無學無學不為害也

不害而不學則苟而可

以為無害遂不學則皆懷苟且於是乎

下陵上替能無亂乎夫學殖也不學將落原氏其

亡乎

殖生長也言學之進德如農之殖苗日新日益不學則才知日退將如草木之墜落枝葉也

○七月鄭子產為火故大為社

為治也非常祭之月為火特祭

祓禳

於四方振除火災禮也

振弃也祓芳佛反禳如羊反皆除凶之祭

乃簡兵大

蒐將為蒐除

治兵於廟城內地迫故除廣之

子大叔之廟在道南其寢

在道北其庭小

庭蒐場也孔疏游吉宅近大路其廟當在宅內以其居處狹隘故廟在道南寢在道北寢即游吉所居宅也

過期三日

處小不得一時畢孔疏此量其庭之大小而豫計之以庭小之故當過期三日欲除道使濶望及期得了亦不知本期當幾

日也陸氏祭曰犬叔不忍毀廟故過期三日須子產之後命

使除徒陳於道南廟北曰子

產過女而命速除乃毀於而鄉

而女也毀女所鄉鄉去聲

子產朝

朝過而怒之

怒不毀除者南毀子產及衝使從者止之

曰毀於北方

言子產仁不忍毀人廟

火之作也子產授兵登陴子

犬叔曰。晉無乃討乎。辭晉公子公孫而授兵似若叛晉子產曰。吾聞之。

小國忘守則危。况有災乎。國之不可小。有備故也。

既。晉之邊吏讓鄭曰。鄭國有災。晉君大夫不敢寧

居。卜筮走望。○言為鄭卜筮宜禱何神奔走而望祭之不愛牲玉。鄭之有災。寡

君之憂也。今執事擱然授兵登陣。擱然勁念貌○擱遐板反將以誰

罪。邊人恐懼不敢不告。子產對曰。若吾子之言。敝

邑之災。君之憂也。敝邑失政。天降之災。又懼讒慝

之間謀之。以啓貪人。荐為敝邑不利。荐重也。○間去聲以重

君之憂。幸而不亡。猶可說也。說解也不幸而亡。君雖憂

之。亦無及也。鄭有他竟。望走在晉。言鄭雖與他國為竟。每瞻望晉歸赴之既

事晉矣。其敢有二心。傳言子產有備

○楚左尹王子勝言於楚子曰。許於鄭。仇敵也。而

居楚地。以不禮於鄭。十五年平王復遷邑許自夷還居葉恃楚而不事鄭晉鄭方睦。鄭

若伐許。而晉助之。楚喪地矣。君盍遷許。許不專於

楚。自以舊國不專心事楚鄭方有令政。許曰。余舊國也。許先鄭封鄭曰。余

俘邑也。隱十一年鄭滅許而復存之故曰我俘邑葉在楚國。方城外之蔽也。為方城外

之蔽。土不可易。易輕也。○障國不可小。謂鄭許不可俘。讎不

可啓。君其圖之。楚子說冬。楚子使王子勝遷許於

析實白羽

於傳時白羽改為析。今河南南陽府鄧州內鄉縣是也。

經十有九年春宋公伐邾

邾為邾○夏五月戊辰許世

子止弒其君買

加弒者責止不捨藥物

○己卯地震

無傳

○秋齊高

發帥師伐莒○冬葬許悼公

無傳

傳十九年春楚工尹赤遷陰于下陰

陰縣今屬南鄉郡。今湖廣襄陽府光化

縣西漢水西岸有古陰縣城即下陰邑也

令尹子瑕城邾叔孫昭子曰楚不在

諸侯矣其僅自完也以持其世而已

遷陰城邾皆欲以自完守

○楚子之在蔡也

蓋為大夫時往聘蔡

鄆陽封人之女奔之生

犬子建

鄆陽蔡邑。鄆古閭反。當在河南汝寧府新蔡縣境

及即位使伍奢為之師

伍奢伍舉之子伍員之父。員音云

建可室矣

室妻也

王為之聘於秦無極與逆勸王取之

正月楚夫人嬴氏至自秦

王自取之故稱夫人至為下拜夫人起。與音預

○邾夫人宋向戌之女也故向寧請師

寧向戌子也請於宋公伐邾

二月宋公伐邾圍蟲三月取之

蟲邾邑不書圍取不以告。蟲當在山東濟寧州東境

乃盡歸邾俘

○夏許悼公瘞五月戊辰飲犬子止之藥卒

止獨進藥不由

犬子奔晉書曰弒其君君子曰盡心力以事君

舍藥物可也

藥物有毒當由醫非凡人所知。譏止不捨藥物所以加弒君之名

○邾人邾人徐人會宋公乙亥同盟于蟲終宋公伐邾事

○楚子為舟師以伐濮濮南夷也。當在楚之西南境。費無極言於楚

子曰晉之伯也。邇於諸夏而楚辟陋。故弗能與爭。

若大城城父而寘犬子焉城父今襄城城父縣。伯音霸。以通北方。王

收南方。是得天下也。王說從之。故犬子建居于城

父。令尹子瑕聘于秦。拜夫人也。為明年譖犬子張本。改為為夫人遣謝秦。

○秋齊高發帥師伐莒莒不事齊故。莒子奔紀鄆紀鄆莒邑也。東海贛榆縣。

使孫書伐之孫書陳無宇之子。子占也。初

莒有婦人莒子殺其夫已為嫠婦寡婦為嫠。嫠力之反。及老託

於紀鄆紡焉以度而去之。因紡纊連所紡以度城而藏之。以待外攻者欲以報讎。紡芳往反度待

及師至則投諸外投繩城外。隨之而出。或獻諸

子占。子占使師夜緹而登緣繩登城。緹直偽反。登者六十人。緹

絕師鼓譟。城上之人亦譟。莒共公懼。啓西門而出。

七月丙子齊師入紀傳言怨不在大。

○是歲也。鄭駟偃卒。子游娶於晉大夫。生絲弱子游駟偃

其父兄立子瑕子瑕子游叔父駟乞。子產憎其為人也。憎子瑕。且

以為不順舍子立叔。不順禮也。弗許。亦弗止許之為違禮止之。為違眾故中立。駟氏聳

也。他日絲以告其舅。冬晉人使以幣如鄭。問駟乞

之立故駟氏懼駟乞欲逃子產弗遣請龜以下亦

弗予大夫謀對子產不待而對客曰鄭國不天不獲天福

寡君之二三臣札瘥夭昏天死曰札小疫曰瘥短折曰夭未名曰昏周禮大司樂云大札令弛縣

鄭云札疫癘也是札大疫死也瘥才何反子生三月父名之未名謂未三月而死也今又喪我先大夫偃其

子幼弱其一二父兄懼隊宗主私族於謀而立長

親於私族之謀宜立親之長者寡君與其二三老曰抑天實剝亂是

吾何知焉言天自欲亂駟氏非國所知諺曰無過亂門民有兵亂猶

憚過之而况敢知天之所亂今大夫將問其故抑

寡君實不敢知其誰實知之平邱之會在十三年。過平聲下同君

尋舊盟曰無或失職若寡君之二三臣其即世者

晉大夫而專制其位是晉之縣鄙也何國之為辭

客幣而報其使晉人舍之遣人報晉使。使去聲

○楚人城州來沈尹戌曰楚人必敗十三年吳縣州來今就城而取之戌莊王

曾孫葉公諸梁父也。戌音恤昔吳滅州來在十三年子旗請伐之王曰吾未

撫吾民今亦如之而城州來以挑吳能無敗乎侍

者曰王施舍不倦息民五年可謂撫之矣戌曰吾

聞撫民者節用於內而樹德於外民樂其性而無

寇讎今宮室無量民人日駭勞罷死轉轉遷徙也。挑徒了反罷音皮

忘寢與食非撫之也傳言平王所以不能霸

○鄭大水龍鬪于時門之外洧淵時門鄭城門也洧水出滎陽密縣東南至潁川

長平入潁國人請為滎焉子產弗許曰我鬪龍不我覲也淵龍之室

覲見也。滎為命反。龍鬪我獨何覲焉禳之則彼其室也吾

無求於龍龍亦無求於我乃止也傳言子產之知

○令尹子瑕言蹶由於楚子蹶由吳王弟五年靈王執以歸。蹶九衛反。曰彼

何罪諺所謂室於怒市於色者楚之謂矣言靈王怒吳子而執其弟

猶人忿於室家而作色於市人舍前之忿可也乃歸蹶由言楚子能用善言

經二十年春王正月○夏曹公孫會自鄆出奔宋

無傳嘗有玉帛之使來告故書鄆曹邑。鄆莫公反。在今山東兗州府曹州北。○秋盜殺衛侯之兄縶

齊豹作而不義故書曰盜所謂求名而不得○冬十月宋華亥向寧華定出奔

陳與君爭而出皆書名惡之○十有一月辛卯蔡侯廬卒無傳未同盟而赴以名

傳二十年春王二月己丑日南至是歲朔旦冬至之歲也當言正月己丑朔日南至

至時史失閏閏更在二月後故經因史而書梓慎望氛氛氣也時魯侯不行登臺之禮

使梓慎望氣曰今茲宋有亂國幾亡三年而後弭蔡有大

喪為宋華向出奔蔡侯卒傳叔孫昭子曰然則戴桓也戴族華氏桓族向氏汰侈

無禮已甚亂所在也傳言妖由人興

○費無極言於楚子曰建與伍奢將以方城之外

叛自以為猶宋鄭也。齊晉又交輔之。將以害楚。其事集矣。王信之。問伍奢。伍奢對曰。君一過多矣。納建

妻何信於讒。王執伍奢。忿奢切言使城父司馬奮揚殺犬

子。未至而使遣之。知犬子寃故遣令去三月。犬子建奔宋。王召

奮揚。奮揚使城父人執己以至。王曰。言出於余口。

入於爾耳。誰告建也。對曰。臣告之。君王命臣曰。事

建如事余。臣不佞也。佞才也不能苟貳。奉初以還。奉初命以周旋不

忍後命。故遣之。既而悔之。亦無及已。王曰。而敢來

何也。對曰。使而失命。召而不來。是再奸也。奸犯也。奸音干逃

無所入。王曰。歸從政。如他日。善其言舍使還無極曰。奢之子

材。若在吳。必憂楚國。盍以免其父名之。彼仁必來。

不然。將為患。王使召之。曰。來。吾免而父。棠君尚謂

其弟負。棠君奢之長子尚也。為棠邑大夫。員尚弟子胥。負音云。君或作尹曰。爾適吳。我將歸

死。吾知不逮。自以知不及員。知音智我能死。爾能報。聞免父之

命。不可以莫之奔也。親戚為戮。不可以莫之報也。

奔死免父。孝也。度功而行。仁也。仁者貴成功。度待洛反擇任而往。

知也。員任報讎。任音壬知死不辟。勇也。尚為勇父不可弃。俱去為弃父名

不可廢。俱死為廢名爾其勉之。相從為愈。愈差也。比于相從俱死為愈也伍尚

歸奢聞員不來曰楚君大夫其盱食乎將有吳憂不得早食○盱古旦

反楚人皆殺之員如吳言伐楚之利於州于州于吳子僚

公子光曰是宗為戮而欲反其讎不可從也光吳公子闔廬

也反員曰彼將有他志光欲弑僚不利員用事故破其議而員亦知之余姑為之求

士而鄙以待之計未得用故進勇士以求入於光退居邊鄙乃見鱣設諸焉鱣諸勇士

○見音現鱣音專○謂為之紹介使之見光也而耕於鄙為二十七年吳弑僚傳

○宋元公無信多私而惡華向華定華亥與向寧

謀曰亡愈於死先諸恐元公殺己欲先作亂華亥偽有疾以誘羣

公子公子問之則執之夏六月丙申殺公子寅公

子御戎公子朱公子固公孫援公孫丁拘向勝向

行於其廩八子皆公黨○援于眷反公如華氏請焉弗許遂劫之劫公

未知諸人已死故猶往請之癸卯取大子欒與母弟辰公子地以為

質欒景公也辰及地皆元公弟○質音致○辰地皆元公子此云弟傳寫誤耳公亦取華亥之子無

感向寧之子羅華定之子啓與華氏盟以為質為此

向出奔傳

○衛公孟縶狎齊豹公孟靈公兄也齊豹齊惡之子為衛司寇狎輕也奪之司寇與

郵郵豹邑○郵音絹有役則反之無則取之縶足不良故有役則以官邑還豹使行公

孟惡北宮喜褚師圃欲去之喜貞子○褚中呂反公子朝通于

襄夫人宣姜宣姜靈公嫡母懼而欲以作亂故齊豹北宮喜

楮師圍公子朝作亂初齊豹見宗魯於公孟薦達也見音

現為驂乘焉為公孟驂乘○乘去聲下與乘一乘駟乘同將作亂而謂之曰公

孟之不善子所知也勿與乘吾將殺之對曰吾由

子事公孟子假吾名焉故不吾遠也言子借我以善名故公孟親近我○與遠

雖其不善吾亦知之抑以利故不能去是吾過

也今聞難而逃是僭子也使子言不信也子行事乎吾將死

之以周事子周猶終竟也○不泄殺公孟之言是終事子也而歸死於公孟其可

也丙辰衛侯在平壽平壽衛下邑公孟有事於蓋獲之門

外有事祭也蓋獲衛郭門齊子氏帷於門外而伏甲焉齊豹之家使祝鼂

寘戈於車薪以當門要其前也使一乘從公孟以出亦如前車寘戈

使華齊御公孟宗魯驂乘及闕中闕曲門中○孔疏華齊是公孟

蔽之斷肱以中公孟之肩皆殺之公聞亂乘驅自

闕門入慶比御公公南楚驂乘使華寅乘貳車公副車

于公鴻駟復就公乘一車四人○駟音留公載寶以出楮師子申遇公于

馬路之衢遂從從公出○從去聲過齊氏使華寅肉袒執蓋

斷丁管反○孔疏乘驅者乘車而疾驅也

闕門衛城門蓋偏側之門其路遠齊氏

以當其闕

肉袒示不敢與齊氏爭執蓋蔽公而去闕空也以蓋當侍從空闕之處

齊氏射公中南

楚之背公遂出寅閉郭門

不欲令追者出射音石

踰而從公

如死鳥

死鳥衛地

析朱鉏宵從竇出徒行從公

朱鉏成子黑背孫

齊

侯使公孫青聘于衛

青項公之孫

既出聞衛亂使請所聘

公曰猶在竟內則衛君也乃將事焉

將事行聘事

遂從諸

死鳥請將事辭曰亡人不佞失守社稷越在草莽

吾子無所辱君命賓曰寡君命下臣於朝曰阿下

執事

阿比也命已使比衛臣下傳氏遜曰阿下親附而卑下之

臣不敢貳

貳違命也

主人曰君

若惠顧先君之好照臨敝邑鎮撫其社稷則有宗

祧在

言受聘當在宗廟也

乃止

止不行聘事

衛侯固請見之

欲與青相見

不獲

命以其良馬見

以為相見之禮馬見音現下同

為未致使故也

未致使故不敢以客禮見

○孔疏客禮見者若已致君命則享有庭實復有私覲私面之禮今為未致使故但以良馬見也

衛侯以為乘馬

喜其敬己故貴其物

賓將擗

擗行夜擗祖侯反

主人辭曰亡人之憂不可

以及吾子草莽之中不足以辱從者敢辭賓曰寡

君之下臣君之牧圉也若不獲扞外役是不有寡

君也

有相親有

臣懼不免於戾請以除死親執鐸終夕與

於燎

設火燎以備守

齊氏之宰渠子召北宮子

北宮喜也

北宮氏之

宰不與聞謀殺渠子遂伐齊氏滅之丁巳晦公入

與北宮喜盟于彭水之上喜本與齊氏同謀故公先與喜盟秋七月戊午

朔遂盟國人八月辛亥公子朝褚師圃子玉霄子

高魴出奔晉皆齊氏黨閏月戊辰殺宣姜與公子朝通謀故衛侯賜

北宮喜謚曰貞子滅齊氏故賜析朱鉏謚曰成子宵從公故而以

齊氏之墓予之皆未死而賜謚及墓田傳終而言之衛侯告寧于齊且言子

石子石公孫青言其有禮齊侯將飲酒徧賜大夫曰二三子之教

也喜青敬衛侯苑何忌辭曰與於青之賞必及於其罰何忌齊大夫

夫言青若有罪亦當并受其罰○苑於元反在康誥曰父子兄弟罪不相及尚書康誥之義琴張聞

况在羣臣臣敢貪君賜以干先王言受賜則犯琴張聞

宗魯死琴張孔子弟子字子開名牢將往弔之仲尼曰齊豹之盜而

孟縶之賊女何弔焉言齊豹所以為盜孟縶所以見賊皆由宗魯君子不食姦

知公孟不善而受其祿是食姦也不受亂許約行事是受亂也不為利疚於回疚病回邪也以利故不能

去是病身於邪○為去聲不以回待人知難不告是以邪待人不蓋不義以周事約是蓋不義不

犯非禮以二心事縶是非禮

○宋華向之亂公子城平公公孫忌樂舍舍樂喜孫司馬彊

向宜向鄭宜鄭皆向戌子楚建楚平王之亡犬子邠甲小邾穆公子出奔鄭八子

夫皆公黨其徒與華氏戰于鬼閭八子之徒眾也潁川長平縣西北有閭亭○今陳州西華

縣東北閭倉亭城是也屬河南開封府敗子城子城適晉子城為華氏所敗別走至晉為明年子城以晉師至起本

華亥與其妻必盥而食所質公子者而後食公與夫人每日必適華氏食公子而後歸華亥患之欲歸公子向寧曰唯不信故質其子若又歸之死無

日矣公請於華費遂將攻華氏費遂犬司馬華氏族而食音嗣下同質音致○費扶味

反對曰臣不敢愛死無乃求去憂而滋長乎恐殺犬子憂益

長○長上聲臣是以懼敢不聽命公曰子死亡有命余不

忍其詢詢恥也○詢許候反冬十月公殺華向之質而攻之戊

辰華向奔陳華登奔吳登費遂之子黨華向者向寧欲殺犬子華

亥曰干君而出又殺其子其誰納我且歸之有庸

可以為功善使少司寇慆以歸以三公子歸公也慆華亥庶兄○慆苦耕反曰子之齒

長矣不能事人以三公子為質必免質信也送公子歸可以自明不叛之信○

質如字公子既入華慆將自門行從公門去公遽見之執其手

曰余知而無罪也入復而所而女也所所居官

○齊侯疥遂疢疢瘧疾○疥音戒疢失廉反期而不瘳諸侯之賓問

疾者多在多在齊○期音基梁邱據與裔款二子齊嬖大夫言於公曰

吾事鬼神豐於先君有加矣今君疾病為諸侯憂

是祝史之罪也諸侯不知其謂我不敬君盍誅於

祝固史嚚以辭賓欲殺嚚固以辭謝來問疾之賓公說告晏子晏子曰

日宋之盟

日往日也宋盟在襄二十七年

屈建問范會之德於趙武趙

武曰夫子之家事治言於晉國竭情無私其祝史

祭祀陳信不愧其家事無猜其祝史不祈

家無猜疑之事故祝史無

求於鬼神建以語康王楚康王曰神人無怨宜夫子之光

輔五君以為諸侯主也

五君文襄靈成景

公曰據與款謂寡

人能事鬼神故欲誅於祝史子稱是語何故對曰

若有德之君外內不廢

無廢事

上下無怨動無違事其

祝史薦信無愧心矣

君有功德祝史陳說之無所愧

是以鬼神用饗國

受其福祝史與焉

與受國福

其所以蕃祉老壽者為信君

使也其言忠信於鬼神其適遇淫君外內頗邪上

下怨疾動作辟違從欲厭私

使私情厭足。頗普何反從子用反下淫從同

高臺

深池撞鍾舞女斬刈民力輸掠其聚

掠奪取也。掠音亮撞直江反。孔疏輸

度無所還忌

還猶顧也

不思謗讟不憚鬼神神怒民痛無

悛於心其祝史薦信是言罪也

以實白神是為言君之罪

其蓋失數

美是矯誣也

蓋掩也。數所主反

進退無辭則虛以求媚

於神是以鬼神不饗其國以禍之祝史與焉所以天

作虛辭以求媚

昏孤疾者為暴君使也其言僭慢於鬼神公曰然

則若之何。對曰：不可為也。

言非誅祝史所能治

山林之木，衡鹿

守之。澤之萑蒲，舟鮫守之。藪之薪蒸，虞侯守之。海

之鹽蜃，祈望守之。

衡鹿舟鮫虞侯祈望皆官名也。言公專守山澤之利，不與民共。○萑音丸，鮫音交，鹿曰薪，細曰

蒸。縣鄙之人，入從其政，偏介之關，暴征其私。

介，隔也。迫，近國。

都之關，言邊鄙既入服政，役又為近關所征，稅枉暴奪其私物。承嗣大夫，強易其賄。

承嗣大夫，世位者。○強，其

反。布常無藝，藝，法制也。言布政無法制。徵斂無度，宮室日更，淫樂不

違。違，去也。內寵之妾，肆奪於市。肆，放也。外寵之臣，僭令於鄙。

詐為教令於邊鄙。私欲養求，不給則應。養，長也。所求不給，則應之以罪。○長，上聲。民人苦

病。夫婦皆詛，祝有益也，詛亦有損。○假使祝史能祝其君，果有益而得福，則彼夫

婦皆詛，其君亦能有損。而名禮視之，又反下同。聊攝以東。聊攝，齊西界也。平原聊城縣東北有攝城。○今聊城屬山東東昌府。姑

尤以西。姑尤，齊東界也。姑水、尤水皆在城陽郡東南入海。○姑水即山東登州府黃縣之大姑河，尤水即山東萊州府掖縣之小姑河。

其為人也多矣。雖其善祝，豈能勝億兆人之詛。萬億曰兆。萬萬曰億。

君若欲誅於祝史，脩德而後可。公說，使有司寬

政，毀關，去禁，薄斂，已責。除逋責。○責，本作債。同。

○十二月，齊侯田于沛，招虞人以弓，不進。

虞人，掌山澤之官。公使執之，辭曰：昔我先君之田也，旃以招

大夫，弓以招士，皮冠以招虞人。臣不見皮冠，故不

敢進。乃舍之。仲尼曰：守道不如守官。君招當往，道之常也。非物不進，官之制也。

君子韙之

韙是也。韙于鬼反。

齊侯至自田。晏子侍于遄臺。子

猶馳而造焉。

子猶梁邱據。

公曰：唯據與我和。夫晏子對曰：

據亦同也。焉得為和？公曰：和與同異乎？對曰：異。和

如羹焉。水火醯醢鹽梅，以烹魚肉。燂之以薪。

燂，炊也。燂章。

善宰夫和之，齊之以味。濟其不及，以洩其過。

濟，益也。洩，滅也。

○齊去聲。

君子食之，以平其心。君臣亦然。

亦如羹。

君所謂可，而

有否焉。

否，不也。

臣獻其否，以成其可。

獻，君之否也。成，君可也。

君所謂否，

而有可焉。臣獻其可，以去其否。是以政平而不干。

民無爭心。故詩曰：亦有和羹，既戒既平。

詩，頌殷中宗。言中宗能與賢者

和齊可否其政如羹敬戒且平。和羹備五味異於大羹。

醜嘏無言，時靡有爭。

醜，總也。嘏，大也。言總大政能使

上下皆如和羹。醜，子工反。嘏，古雅反。

先王之濟五味。

濟，成也。

和五聲也。以平其

心，成其政也。聲亦如味，一氣

須氣以動。孔疏：一氣不止為鼓吹，人以氣生，動皆由氣。彈絲

擊石莫不用氣。氣是作樂之主。故先言之。

二體

舞者有文武。樂之動身體者，唯有舞耳。文舞，執羽籥武舞，執干戚。舞者有文武之二體。

三類

風雅頌。樂以歌詩為主。一國之事，諸侯之詩，為風。天下之事，天子之詩，為雅。成功告神為頌。是三者，類別各不同。

四物

雜用四方之物，以成器。器謂

八音之器也。

五聲

宮商角徵羽。

六律

黃鍾、大簇、姑洗、蕤賓、夷則、無射也。陽聲為律，陰聲為呂。此十二月氣。簇，七豆反。蕤，人誰

反射。七音

周武王伐紂，自午及子，凡七日。王因此以數合之，以聲昭之。故以七同其數，以律和其聲，謂之七音。五聲以外，更加變宮變徵為

七音。八風

八方之風。

九歌

九功之德，皆可歌也。六府三事，謂之九功。

以相成也。

言此九者合然後相成為和樂。

清濁，小大，短長，疾徐，哀樂，剛柔，遲速，高下，出入，周

疏以相濟也

周密也。孔疏周疏以上凡十事皆兩字相對其義相反乃言樂聲如此相反以成音曲猶羹之水火相反人

之和而不同也

君子聽之以平其心心平德和故詩曰德音

不瑕

詩幽風也義取心平則德音無瑕闕

今據不然君所謂可據亦曰可君

所謂否據亦曰否若以水濟水誰能食之若琴瑟

之專壹誰能聽之同之不可也如是飲酒樂公曰

古而無死其樂若何晏子對曰古而無死則古之

樂也君何得焉昔爽鳩氏始居此地

爽鳩氏少皞氏之司寇也

季荊

因之

季荊虞夏諸侯代爽鳩氏者。前仕側反

有逢伯陵因之

逢伯陵殷諸侯姜姓

蒲姑

氏因之

蒲姑氏殷周之間代逢公者

而後大公因之古若無死爽鳩

氏之樂非君所願也

齊侯甘於所樂志於不死晏子稱古以節其情願

○鄭子產有疾謂子大叔曰我死子必為政唯有

德者能以寬服民其次莫如猛夫火烈民望而畏

之故鮮死焉水懦弱民狎而翫之

狎輕也

則多死焉故

寬難

難以治

疾數月而卒大叔為政不忍猛而寬鄭國

多盜取人於萑苻之澤

早從夫子不及此與徒兵以攻萑苻之盜盡殺之

萑苻澤名於澤中劫人。苻音蒲

大叔悔之曰吾

盜少止仲尼曰善哉政寬則民慢慢則糾之以猛

盜少止仲尼曰善哉政寬則民慢慢則糾之以猛

糾猶攝也

猛則民殘殘則施之以寬寬以濟猛猛以濟寬

政是以和。詩曰：民亦勞止，汔可小康。惠此中國，以

綏四方。施之以寬也。詩大雅。汔其也。康，綏也。皆安也。周厲王暴虐，民勞於苛政，故詩人刺之，欲其施之以寬。汔，

許乙反。毋從詭隨。詭，人隨人，無正心，不可從。從子用反。註同。以謹無良。謹，勅也。式，過也。式遏寇

虐，慘不畏明，糾之以猛也。式，用也。遏，止也。慘，曾也。言為寇虐，曾不畏明法者，亦當用猛政糾治之。

柔遠能邇，以定我王。平之以和也。柔，安也。邇，近也。遠者懷附，近者各以能進，則王室定。

又曰：不競不絀，不剛不柔。詩殷頌言湯政得中，和競強也。絀，急也。布政優優

百祿是適。優優，和也。適，聚也。和之至也。及子產卒，仲尼聞之

出涕曰：古之遺愛也。子產見愛有古人之遺風。

經二十有一年春，王三月葬蔡平公。○夏，晉侯使

士鞅來聘。晉頃公即位，通嗣君。○宋華亥、向寧、華定自陳入于

宋南里以叛。自外至，故曰入。披其邑，故曰叛。南里，宋城內里名。在今河南歸德府商邱縣境。○秋七月

壬午朔，日有食之。○八月乙亥，叔輒卒。叔弓之子伯張。○冬

蔡侯朱出奔楚。朱為太子則失位，遂微弱為國人所逐，故以自出為文。○公如晉，至河

乃復。晉人辭公，故還。

傳二十一年春，天王將鑄無射。周景王也。無射，鐘名。律中無射。射音亦。其聲於律應

泠州鳩曰：王其以心疾死乎？泠，樂官。州鳩其名也。泠力丁反。

夫樂，天子之職也。職所主也。夫音樂之興也，樂因音而行。而鐘音

之器也。音由器以發。天子省風以作樂，省風俗，作樂以移之。器以鐘之

昭公

鐘聚也以器聚音

輿以行之

樂須音而行

小者不窕

窕細不滿窕他彫反

大者不

櫛

櫛橫大不入櫛戶化反

則和於物物

和則嘉成

嘉樂成也故和聲入於

耳而藏於心

心億則樂

億安也窕則不咸

不充滿人心櫛則不

容

心不堪容心是以感感實生疾

今鐘櫛矣王心弗堪其

能久乎

為明年天王崩傳

○三月葬蔡平公蔡犬子朱失位位在卑

不在適子位以長幼齒

大夫送葬者歸見昭子昭子問蔡故以告昭子歎

曰蔡其亡乎若不亡是君也必不終詩曰不解于

位民之攸暨

詩大雅暨息也

今蔡侯始即位而適卑身將從

之為蔡侯朱出奔傳

○夏晉士鞅來聘叔孫為政

叔孫昭子以三命為國政

季孫欲惡諸

晉憎叔孫在己上位欲使得罪於晉

使有司以齊鮑國歸費之禮為士

鞅

鮑國歸費在十四年牢禮各如其命數魯人失禮故為鮑國七牢故為于偽反鮑國齊卿三命法當三牢

士鞅怒曰

鮑國之位下其國小而使鞅從其牢禮是卑敝邑

也將復諸寡君魯人恐加四牢焉為十一牢

言魯不能以禮

事大國且為哀七年吳徵百牢起

○宋華費遂生華貍華多僚華登貍為少司馬多

僚為御士

公御士貍勅俱反

與貍相惡乃譖諸公曰貍將納

亡人亡人華亥等亟言之。公曰：司馬以吾故，亡其良子司馬謂費

遂為大司馬。良子謂華登。亟欺冀反。死亡有命，吾不可以再亡之。對曰：君

若愛司馬，則如亡君若愛大司馬，則當亡走失國。言不如出亡也。死如可逃，何遠

之有言亡可以逃死，勿慮其遠以恐動公。公懼，使侍人召司馬之侍人宜僚

飲之酒，而使告司馬告司馬使逐羆。司馬歎曰：必多僚也。吾

有讒子，而弗能殺，吾又不死，抑君有命，可若何？乃

與公謀逐華羆，將使田孟諸而遣之。公飲之酒，厚

酬之酬酒幣。賜及從者，司馬亦如之亦如公賜。張句尤之張句華羆臣尤

恠賜之厚曰：必有故，使子皮承宜僚以劍，而訊之子皮華羆訊問也。宜

僚盡以告告欲因田以遣之。張句欲殺多僚，子皮曰：司馬老

矣，登之謂甚言登亡傷司馬心已甚。吾又重之，不如亡也。五月丙

申，子皮將見司馬而行，則遇多僚御司馬而朝。張

句不勝其怒，遂與子皮白任，鄭翩殺多僚任翩亦羆家臣。任音壬

劫司馬以叛，而召亡人。壬寅，華向入，樂大心、豐愆

華、輗、禦諸橫梁國睢陽縣南有橫亭。華氏居盧門以南里，叛盧門宋東城南

門。六月庚午，宋城舊鄘及桑林之門而守之舊鄘故城也。桑

林城門名。秋七月壬午朔，日有食之。公問於梓慎曰：是何

昭公

物也。禍福何為也。物事對曰：二至二分。二至冬至夏至二分春分秋分日有

食之，不為災。日月之行也，分同道也。至，相過也。二分日夜

等故言同道。二至長短極，故相過。孔疏：春分之時，朔則日在婁，望則日在角。秋分之時，朔則日在角，望則日在婁。婁角是天之中道，日月俱從中道，故晝夜等。似有體敵之理。月可敵日，冬至之時，朔則日在斗，望則日在井。夏至之時，朔則日在井，望則日在斗。斗井南北晝夜長短之極，似若月之極長，可以掩日。然相過謂絕，相懸殊也。其他月，則為災。陽不克也。故常為水。陰侵陽是陽不

勝陰。孔疏：莊二十三年六月日食，秋大水。此二十四年五月日食，梓慎曰：將水。昭子曰：旱也。其年八月大雩，旱也。又七年四月甲辰朔日食，春分之月而云魯衛惡之，常水之言，既無其驗，足知是賢聖假託日食以為戒耳。於是叔輒哭日食。意在于憂災昭子

曰：子叔將死，非所哭也。八月，叔輒卒。

○冬，十月，華登以吳師救華氏。登前年奔吳齊烏枝鳴戍。

宋烏枝鳴齊大夫廚人濮曰：軍志有之。先人有奪人之

心，後人有待其衰，盍及其勞，且未定也。伐諸，若入

而固，則華氏眾矣。悔無及也。從之。丙寅，齊師宋師

敗吳師于鴻口。梁國睢陽縣東有鴻口亭。今在歸德府商邱虞城二縣界。先後並去聲。獲其二帥。

公子苦雒，偃州員。二帥。吳大夫。音云。華登帥其餘。吳餘師以

敗宋師。公欲出，廚人濮曰：吾小人，可藉死。可借使死難

而不能送亡君，請待之。請君待復戰決勝負乃徇曰：揚徽者，公

徒也。徽，識也。識本又作幟，令其各自揚徽，欲知其助公多少。眾從之。公自揚門見之。見國人皆

揚徽，睢陽正東門名揚門。下而巡之，曰：國亡君死，二三子之恥也。豈

專孤之罪也。齊烏枝鳴曰：用少莫如齊，致死齊，致死莫如去備。備長兵也。彼多兵矣，請皆用劍，從之。華氏北

復，即之。北敗走。廚人濮以裳裹首，而荷以走，曰：得華登

矣，遂敗華氏于新里。新里，華氏所取邑。翟僂新居于新里，既

戰，說甲于公而歸。居華氏地而助公戰。僂，力主反說他活反。華姓居于公里，

亦如之。姓華氏族，故助華氏。亦如僂，新說甲歸傳言古之為軍，不些小忿。姓他口反，些本又作訾。十一月癸

未，公子城以晉師至。城以前年奔晉，今還救宋。曹翰、胡夫、會、晉、荀、吳

氏戰于赭邱。赭邱，宋地。赭音者。後漢志：陳國長平縣有赭邱城，應在今河南開封府陳州西北境。鄭翩願

為鶴，其御願為鶩。鄭翩，華氏黨。鶩，鶩皆陳名。子祿御公子城，莊董為

右。子祿，向宜。董音謹。干犢御呂封人華豹，張匄為右。呂封人，華豹。華氏黨。犢，反。將注

豹則關矣。注：傳矢，關引弓。關，烏環反，傳音附。曰：平公之靈，尚輔相余。平公，公子

父。豹射出其間。出子城子祿之間。將注，則又關矣，曰：不狎鄙

狎，更也。更音庚。城謂豹，安頻射我，不使我得更遞，是為鄙也。抽矢，豹止不射。城射之，殪豹。張匄抽

矢而下。受長丈二。在車邊。射之，折股，扶伏而擊之，折軫。折城車軾。如字，又或作匍匐同。又射之，死。干犢請一矢，求死。城曰：余言女

於君，欲活之。對曰：不死，伍乘軍之大刑也。同乘，共伍當皆死。乘，去聲。干

為鶴，其御願為鶩。鄭翩，華氏黨。鶩，鶩皆陳名。子祿御公子城，莊董為

右。子祿，向宜。董音謹。干犢御呂封人華豹，張匄為右。呂封人，華豹。華氏黨。犢，反。將注

豹則關矣。注：傳矢，關引弓。關，烏環反，傳音附。曰：平公之靈，尚輔相余。平公，公子

父。豹射出其間。出子城子祿之間。將注，則又關矣，曰：不狎鄙

狎，更也。更音庚。城謂豹，安頻射我，不使我得更遞，是為鄙也。抽矢，豹止不射。城射之，殪豹。張匄抽

矢而下。受長丈二。在車邊。射之，折股，扶伏而擊之，折軾。折城車軾。如字，又或作匍匐同。又射之，死。干犢請一矢，求死。城曰：余言女

於君，欲活之。對曰：不死，伍乘軍之大刑也。同乘，共伍當皆死。乘，去聲。干

昭公

刑而從子。君焉用之。子速諸，乃射之。殪死。大敗華

氏，圍諸南里。華亥搏膺而呼，見華魋曰：「吾為欒氏

矣。」晉欒盈還入作亂而死。事在襄二十三年。呼去聲。魋曰：「子無我廷，不幸而後亡也。」廷，恐也。

使華登如楚，乞師。華魋以車十五乘，徒七十人，

犯師而出。犯，公師出。送華登。食於睢上，哭而送之，乃復入。

雖音楚遠越帥師，將逆華氏。大宰犯諫曰：「諸侯唯宋

事其君，今又爭國，釋君而臣是助，無乃不可乎？」王

曰：「而告我也。」後既許之矣。為明年華向出奔楚傳。

○蔡侯朱出奔楚，費無極取貨於東國。東國，隱犬子之子。平侯廬之弟。

朱叔父也而謂蔡人曰：「朱不用命於楚，君王將立東國。若

不先從王，欲楚必圍蔡。蔡人懼，出朱而立東國。朱

愬于楚，楚子將討蔡。無極曰：「平侯與楚有盟，故封

盟于鄧，依陳。其子有二心，故廢之。」子謂朱也。靈王殺隱犬子，其

子與君同惡，德君必甚。又使立之，不亦可乎？且廢

置在君，蔡無他矣。言權在楚則蔡無他心。

○公如晉，及河，鼓叛晉。叛晉屬鮮虞。晉將伐鮮虞，故辭公

將有軍事，無暇於待賓，且懼泄軍謀。

經二十有二年，春，齊侯伐莒。○宋華亥、向寧、華定

自宋南里出奔楚

言自南里別從國去。別彼列反。

○大蒐于昌間

無傳

○夏四月乙丑天王崩○六月叔鞅如京師葬景

王

叔鞅叔弓子三月而葬亂故速

○王室亂

承叔鞅言而書之未劉子單子以

王猛居于皇

河南鞏縣西南有黃亭辟子朝難出居皇王猛書名未即位。京相璠曰黃亭在訾城北三里今屬河南河南府

秋劉子單子以王猛入于王城

王城邲鄆今河南縣晉助猛故得還王都。故王城在今

河南府洛陽縣城內西偏

○冬十月王子猛卒

未即位故不言崩

○十有二月

癸酉朔日有食之

無傳此月有庚戌又以長歷推校前後當為癸卯朔書癸酉誤

傳二十二年春王二月甲子齊北郭啓帥師伐莒

啓齊大夫北郭佐之後

莒子將戰苑羊牧之諫

牧之莒大夫苑於元反

曰齊帥賤

其求不多不如下之大國不可怒也弗聽敗齊師

于壽餘

莒地。當在山東青州府安邱縣境

齊侯伐莒

怒

莒子行成司馬

竈如莒涖盟

竈齊大夫

莒子如齊涖盟盟于稷門之外

稷門齊城

門也

莒于是乎大惡其君

為明年莒子來奔傳

○楚遠越使告于宋曰寡君聞君有不令之臣為

君憂無寧以為宗羞

無寧寧也言華氏為宋宗廟之羞恥

寡君請受而戮

之對曰孤不佞不能媚於父兄

華向公族也故稱父兄

以為君憂

拜命之辱抑君臣日戰君曰余必臣是助亦唯命

人有言曰唯亂門之無過君若惠保敝邑無亢不

衷以獎亂人○過平聲孔疏亢高也衷善也獎勸也孤之望也

唯君圖之楚人患之患宋以義距之諸侯之成謀曰若華氏

知困而致死楚恥無功而疾戰非吾利也不如出

之以為楚功其亦無能為也已言華氏不能復為宋患救宋而除

其害又何求乃固請出之宋人從之已巳宋華亥

向寧華定華貙華登皇奄傷省臧士平出奔楚華貙以下

五子不書非卿宋公使公孫忌為大司馬代華費遂邊印為大司徒

印平公曾孫代華定樂祁為司城祁子罕孫樂祁犁仲幾為左師幾仲江孫代向寧○幾音

基樂大心為右師代華亥樂輓為大司寇輓子罕孫以靖國人

終梓慎之言三年而後弭

○王子朝賓起有寵於景王子朝景王之長庶子賓起子朝之傳○朝如字凡人名字皆張

遙反或云朝錯是王子朝之後音潮案錯姓亦有兩音王與賓孟說之欲立之孟即起也王語賓孟欲立

子朝為太子○說如字劉獻公之庶子伯蚩事單穆公獻公劉摯伯蚩劉狄穆公單旗

○蚩扶粉反惡賓孟之為人也願殺之又惡王子朝之言

以為亂願去之子朝有欲立之言故劉蚩惡之賓孟適郊見雄雞自斷

其尾問之侍者曰自憚其犧也畏其為犧牲奉宗廟故自殘毀○斷丁管反遽

歸告王且曰雞其憚為人用乎人異於是雞犧雖見寵飾然卒當見

殺若人見寵飾則當貴盛故言異於雞犧者實用人人犧實難己犧何害言設使寵

昭公 德榮

人如寵儀則不宜假人以招禍難使儀在己則無患害已喻子朝欲使王早寵
異之○難去聲○孔疏言寵愛為犧者依法用牲今寵愛為犧者乃實用人
人有親疎若疎人被寵愛為犧實為禍
難若己家親屬寵愛如犧有何患害也
王弗應十五年天子壽卒王立子猛後復欲立子朝而未定賓孟感雞盛稱子朝王心許之故不應
夏四月王田北山使公卿皆從將

殺單子劉子北山洛北芒也王知單劉不欲立子朝欲因田獵先殺之芒山今在河南府城洛陽縣東北連偃師孟津鞏

王有心疾乙丑崩于榮錡氏四月十九日河南鞏縣西有榮錡澗錡魚綺反今屬

戊辰劉子摯卒二十日無子單子立劉蚩蚩事單子故五月

庚辰見王見王猛遂攻賓起殺之黨子朝故盟羣王子于單氏

晉之取鼓也在十五年既獻而反鼓子焉獻子廟又叛於鮮

虞叛晉屬鮮虞六月荀吳畧東陽畧行也東陽晉之山東邑魏郡廣平以北使師偽糴

者負甲以息於昔陽之門外昔陽故肥子所都糴音狄遂襲鼓滅

之以鼓子鳶鞮歸使涉佗守之守鼓之地涉佗晉大夫佗徒多反

○丁巳葬景王王子朝因舊官百工之喪職秩者

與靈景之族以作亂百工百官也靈王景王之子孫帥郊要餞之甲三邑周地

以逐劉子逐伯餞賤淺反壬戌劉子奔揚揚周邑單子逆悼

王子莊宮以歸悼王子猛也王子還夜取王以如莊宮王子還子

朝黨也不欲使單子得王猛故取之癸亥單子出失王故王子還與召莊公

謀莊公召伯奐子朝黨也曰不殺單旗不捷旗單子也與之重盟必來背

盟而克者多矣。從之。從還謀也。樊頃子曰：非言也，必不克。

頃子樊齊，單劉黨。頃音傾。遂奉王以追單子。王子還。及領大盟而復。

領周地，欲重盟。今單子劉子復歸。殺摯荒以說。委罪於荒。劉子如劉。歸其采邑。單子亡。

乙丑，奔于平時。平時，周地。知王子還欲背盟，故亡走。時音止。羣王子追之。單子

殺還姑，發弱，醜，延定，稠。八子靈景之族，因戰而殺之。子朝奔京。其黨死故。丙

寅，伐之。單子伐京。京人奔山。劉子入于王城。子朝奔京，故得入。辛未，

鞏簡公敗績于京。乙亥，甘平公亦敗焉。甘鞏，二公周卿士，皆為子朝所敗。

叔鞅至自京師。葬景王還。言王室之亂也。經所以書。閔馬父曰：子

朝必不克，其所與者，天所廢也。閔馬父，閔子馬魯大夫，天所廢，謂羣喪職秩者。單

子欲告急於晉。秋七月戊寅，以王如平時，遂如圃

車次于皇。出次以示急。戊寅，七月三日。經書六月，誤也。劉子如劉。單子使王子

處守于王城。王子處子猛黨，守王城，距子朝。盟百工于平宮。平宮，平王廟。辛卯，

鄆肸伐皇。鄆，肸子朝黨。鄆音尋。大敗，獲鄆肸。壬辰，焚諸王城之

市。焚鄆，市，鄆。八月辛酉，司徒醜以王師敗績于前城。醜，悼王司徒前。

城子朝所得邑。百工叛。司徒醜敗故。己巳，伐單氏之宮，敗焉。百工伐單氏，為單氏所敗。

庚午，反伐之。單氏反伐百工。辛未，伐東圍。百工所在洛陽東南，有圍鄉。路史：周地有東圍，西圍東。

圍，即圍鄉，在今洛陽縣東南。冬十月丁巳，晉籍談荀躒帥九州之戎

九州戎，陸渾戎十七年滅。屬晉州鄉屬也。五州為鄉。及焦瑕，溫原之師。焦瑕，溫原，晉四邑。以納王

于王城丁巳在十月經書秋誤庚申單子劉蚩以王師敗績于郊

為子朝之黨所敗前城人敗陸渾于社前城子朝眾社周地十一月乙酉

王子猛卒乙酉在十一月經書十月誤雖未即位周人謚曰悼王不成喪也釋所以不稱王崩已

丑敬王即位敬王王子猛母弟王子匄館于子旅氏子旅周大夫十二月庚

戌晉籍談荀躒賈辛司馬督司馬烏帥師軍于陰籍談所軍于

侯氏荀躒所軍疑即緱氏于谿泉賈辛所軍鞏縣西南有明谿泉次于社司馬督所次王師

軍于汜于解次于任人王師分在三邑洛陽西南有大解小解汜音凡解音蟹任音壬後漢書洛陽

大解城在今洛陽縣南小解城在縣西南閏月晉箕遺樂徵右行詭濟師取前

城三子晉大夫濟師渡伊洛軍其東南王師軍于京楚辛丑伐京毀

其西南京楚子朝所在

春秋左傳杜注卷第二十四

春和集卷之三

其四



